

# მწყემსი



მე ვარ მწყემსი კეთილი: მწყემსმან კეთილმან სული თვისი დაჰსდვის ცხოვართათვის. იოან. 10 - 11.  
 შოვე ცხოვარი ჩემი წაწყმედული. მსრუთ იყოს სიხარული ტოა შინა, ერთისათვის ცოდვილისა. ლუკ. 15 - 4.  
 შოვედით ჩემდა ყოველნი მასურალნი და ტვართამიძე ნი და მე განვისვენოთ თქვენ. მათ. 11 - 28.

№ 11—12 1883—1904 15—30 ივნისი

## ორიოღისიძე იმამითის საძალე- ზო მკარძიალურ სასწავლებელთან პანსიონის დაარსების შესახებ

მერეთის სამღვდლოებს ერთად ერთი საქალბო სასწავლებელი აქვს ქუთაისში: ქუთაისის საქალბო ეპარქიალური გაბრიელის სასწავლებელი აგერ ცხრაათი წელიწადი იქნება, რაც ეს სასწავლებელი დაარსებული და დღემდე რიგიანად მოწესრიგებული არ არის. არ გვაქვს მასთან პანსიონი, სადაც შესაძლო იქნებოდა უფრო რიგიანად მოვლადზრდა მოსწავლე ქალებისა.

შეიძლება ბევრმა უფარვისად ჩასთვალოს პანსიონი აღზრდისათვის; შეიძლება სთქვან: პანსიონი ხელს უზუთავს მოსწავლეთ, უსაზბს თავისუფლების

და ნებას არ აძლევს მათ ნიკთა და მიღრეკილებათ თავისუფლად განვითარებასაო. მაგრამ ეს ასე არ არის. კეთილსა საქმეს, თუ კარგი გამოცდილი მეთაური ჰყავს, უსათუოდ კეთილ ნაყოფს გამოიღებს და პირიქით, თუ საქმეს სათავეში გამოუცდელი და ცუდი მეთაური უდგია, რაც უნდა კეთილი საქმე იყვეს, ჩაიშდება და ცუდი შედეგიც ექნება. პანსიონი თუ ოდესმე იყო საჭირო დაბალ და საშუალო სასწავლებლისათვის მით უმეტეს საჭიროა ეხლო, ჩვენს დროში, როცა მრავლად არის გავრცელებული საზოგადოებაში სხვა-და-სხვა ცუდი აზრი და მიმართულება, როცა მრავლად იბეჭდება ცუდი მიმართულების წიგნები და ფურცლები, როცა სიტყვიერადაც ბევრი ცუდი აზრი ვრცელდება მოსწავლეთათვის ნორჩ გონების მომშხამელი. პანსიონი აცდენს ყმაწვილის გონებას ყოველივე ცუდ მიმართულებას და შეაყვარებს იმ საქმეს, რაზედაც





პატრონსა და სასწავლებელს დაუყენებია.

ყმაწვილთა სული და გრძნობა, როგორც ვიცით, დაუსრულებელია და განუვითარებელი. მისი არსება როგორც ახლად დაყენებული ღვინო, სდულს, მოუსვენარია. ყოველივეს ეტანება, ყოველივეს გაგება სურს, მიუხედავად ცუდია თუ კეთილი იგი; რაც უფრო აღკრძალულია და დაშლილი მას უფრო ელტვის; მოწადინებულია ჩაიგდოს ხელში და წაიკითხოს რაც უფრო ღრმა და გაუგებარის აზრის წიგნია. დაშლელი ან ამხსნელი თუ არავინ ჰყავს მოსწავლეს შეიძლება ცუდად გაიგოს წაკითხული წიგნი, ცუდად შეითვისოს, დიდხანს გაჰყვეს ცუდად შეთვისებული აზრი და შეიძლება სრულიად შერჩეს. ხშირია მაგალითი, როდესაც 15-16 წლის მოსწავლეს წაუკითხავს რომელიმე ცუდი მიმართულების წიგნი, ან კარგი წიგნი, მაგრამ ვერ გაუგია მისი აზრი და მისი მსხვერპლი შექმნილა. ამას წინად ერთს რუსულ გაზეთში თვალსაჩინო ამბავი იყო მოთხრობილი. ორ ახალგაზდა გიმნაზიელს წაუკითხავსთ მაინ-რიდის რომანები; ყმაწვილები ისე გაუტაცნია და აულელებია ამ წიგნებს, რომ ვადა-უწყვეტათ ფული შეეგროვებიათ და წასვლა ბენიერების საქმენელად სწორეთ ისე, როგორც ეს რომანებში ყოფილა მოთხრობილი. ნაცნობებსა და ნათესავთა შორის შეუკრებნიათ რამოდენიმე ფული და მშობლების დაუკითხველად გაპარულან. მშობლებს, როცა შეიღებია ვერ უნახავთ, ძებნა დაუწყიათ ნაცნობებსა და ნათესავებში და ბოლოს რის ვაი-ვაგლახით დაუკერნიათ და შინ დაუბრუნებრუნებიათ. ამისთანა მაგალითები ხშირია, რაც უნდა მიეწეროს მოსწავლეთაგან ცუდ ან გაუგებარის წიგნების წაკითხვას. ხშირად ასეთის კითხვით ჩვენი მოსწავლე თაობა ისეთ საქმეს სჩადის, რომელიც მათ პატრონებს და წინაპრებს ფიქრადაც არ მოსვლიათ. შეიძლება რომელიმე წიგნის აზრი კეთილი და გამოსადეგიც იყოს, მაგრამ ყმაწვილის განუვითარებელი გონება ვერ ითვისებს ჭკუითლის მაგიერ ცუდი მოაქვს მისთვის. ზინ უნდა აუხსნას ცნობის-მოყვარე ყმაწვილს კარგი და ცუდი? ან მშობლებმა ან მოსწავლელებმა. მაგრამ ჩვენი მოსწავლე ქალები მოკლებულნი არიან ორთავეთაგან სწავლა-დარიგებას. უმეტეს ნაწილს ეპარქიალურ სასწავლებლის მოსწავლე ქალებისას შეადგენს სოფელელ მღვდლების და დიაკვნის ქალიშვილები. მათი მშობლები სოფლებში

არიან დამწყვედულნი და ამიტომ თვალ-ყურს ვერ აღევნებენ თავიანთ შვილებს. მშობლებმა არ იციან რას ჩადიან, რას აკეთებენ მათი შვილები გაკვეთილების შემდეგ თავისუფალ დროს. არც მოსწავლელებმა იციან დაწვრილებით სკოლის გარეშე მოსწავლე ქალების ცხოვრება, რადგან მოსწავლეები კერძო ბინაზე სცხოვრებს ქალიშვილებს იმ რიგად თვალ-ყურს ვერ აღვენებს. არ იციან რა საგანი უფრო აინტერესებს მათ მოწაფეებს, რა ხალხთან აქვთ დამოკიდებულება, რა ყოფა-ქცევას ადგანან სკოლის გარედ და სწორედ ისე, როგორც მშობლები, ვერც ისინი მისცემენ ჯეროვან დარიგებას თავიანთ მოწაფეებს. ამ გარემოებით აიხსნება ის უკუღმართობა, რომელსაც ჩვენ ვამჩნევთ ჩვენს მოწაფეებში. ნაცნულად იმისა, რომ ეპარქიალურ სასწავლებელში აღზრდილი ქალი იყვეს ღვთის მოშიში, შრომის მოყვარე სამწუხაროდ სასწავლებლის გათავების შემდეგ ეკლესიას და საღვთო წერილის კითხვას თავს ანებებს. გამოდის სცნაზე, ან გადამწერლათ შედის საღმრედ დაწესებულებაში. მათ შრომაზე, მეოჯახობაზე ნურას იკითხავთ; ზოგიერთმა მათგანმა ნემისს ამოღებაც არ იცის. . სოფელად წასვლა, თავიანთ დების დახმარება, მათთვის გარჯა მათ არ აინტერესებთ. მღვდლის მეუღლეობას და მასთან ერთად სოფელელთა სასარგებლოდ შრომას ვერ უხსენებ ეპარქიალურ სასწავლებელში კურს დამთავრებულს. (თითო ოროლა მაგალითი სახეში მისა-ლები არ არის.) ხშირად გამიგონია მათგან: „რა უნდა ექნათ, რა უნდა გავაკეთოთ სოფელში, რაც ვიცით ისიც დაგვაიწყებდა, ან ჩვენს ნათქვამს გაიგონებს სოფლის გაუნათლებელი ხალხიო“. მაგრამ ნუ თუ მართალია ასეთი თავის გამართლება? ნუ თუ ვერავითარ სიკეთეს ვერ მოუტანს სოფელს საშუალო განათლების ქალი? სულ რომ დავამციროთ, ბავშვებს ხომ კი ასწავლის წერა-კითხვას? რამდენი ქალია სოფელში, რომელთაც მოკითხვის წიგნის წაკითხვაც არ იციან? პატარა ქალი რჩება 10—12 წლისა, რომელთაც არ იციან პირჯვრის წერა? ნასწავლ ქალს ხომ კი შეუძლია აბრეშუმის მოვლა უკეთესად აუხსნას სოფლის ქალებს და ამით ნივთიერი სარგებლობაც მოუტანოს მათ? ეპარქიალურ სასწავლებლის კურს დამთავრებულ ქალს, რომელსაც გიგიენა და მედიცინა ცოტად მაინც შეუსწავლია ხომ შეუძლია ცოტა რამ დარიგება მისცეს



ქალებს და მით შეუმსუბუქოს ის ტანჯვა-წვალება, რომელიც მათთვის ბუნებას ურგუნებია შშობიარობის დროს?.. და რამდენ ასეთს სიკეთეს შესძენს სოფელს ნასწავლი გულკეთილი ქალი!.. მაგრამ ყველა ეს ეთავილება უმეტეს ნაწილს ჩვენს კურს დამთავრებულ ქლებს. რისთვის? ვითომ იმისთვის კი არა, რომ სასწავლებლის მთავრობა არ აქცევს მათ აღზრდას ჯეროვან ყურადღებას. არა; მთავრობა შეიძლება ძლიერადაც ზრუნავდეს თავის მოწაფეების აღზრდისათვის, მაგრამ რა ჰქნას, როგორ უნდა შესარულოს უნაკლულად თავისი მოვალეობა, როცა ერთი მოსწავლე გოქოურაზე სცხოვრობს, მეორე საფიჩხიაზე და მესამე ქვიტირში? სასწავლებელმა რომ ჯეროვანად აღზარდოს თავისი მოწაფეები, რიგიანად მოამზადოს მომავალ ოჯახურ ცხოვრებისათვის, საჭიროა ამ მოსწავლეთა კოლექტიური, ერთობრივი ცხოვრება. აქ სასწავლებელს უფრო კარგი გავლენა ექნება მოწაფეებზე, უკეთესად მოამზადებს მათ ცხოვრებისათვის, ვიდრე მაშინ, როცა ისინი აქა-იქ არიან გაფანტულნი. მოსწავლე ქალების ერთობრივი ცხოვრება მოხერხდება ჰანსიონში. აქ მოსწავლე გაკვეთილების შემდეგ, თავისუფალ დროს, თავის სასარგებლოდ მოიხმარს. გამოცდილი აღმზრდელი და ზედამხედველი ყოველთვის მისცემს მათ შესაფერის და არა მოსაწყენ საქმეს; გაუჩენს ხელსაქმარს, ასწავლის მეზოსტრობას, საქონლისა და ფრინველების მოვლა-მოშენებას, მეაბრეშუმობას, მეფუტკრობას და ერთის სიტყვით აქ უკეთესად მოამზადდება ქალი იმ დიდ მნიშვნელოვან მოვალეობის აღსარულებლად, რომელსაც მოითხოვს მისგან ბუნება და საზოგადოება. მაშინ შესაძლოა ამ სასწავლებლიდან გამოვიდეს „ნამდვილი ქემპარიტი ქრისტიანე ქალი“ როგორიც სურდა ყოფილიყვნენ ჩვენი ნასწავლი ქალები განსვენებულს ამ სასწავლებლის დამაარსებელს გაბრიელ ემისკოპოზს.

გერ. საყ.

## \* ეკლესია \* თავი პირველი.

ეკლესია, როგორც თვით-არსი სარწმუნოებრივი საზოგადოება.

I  
დასაწყისი, მიზანი და წევრები.

(გავრძელება\*)

**ეს** საზოგადოება—უწვეულო მოვლენაა ძველი კაცობრიობის ცხოვრებაში. ადამიანთა ყველა ჩვეულებრივ საზოგადოებათაგან ის მითი განსხვავდება, რომ იგი არა ამ ქვეყნისაგანია.<sup>1)</sup> ყოველ უწინარეს მას აქვს ჩამომაყვლობა არა კაცობრივი, არამედ ღვთაებრივი. თვითონ ძე ღვთისა გარდამოხდა ზეცით, და თვისი სწავლით და ჯვარზე სიკვდილით თვითვე, სხვის-და უშუამდგომლოთ, დააფუძვნა ეკლესია თვისი.<sup>2)</sup> გავრძელებითაც იგი აგრეთვე ღვთის შეწვევით გაგრცელდა. სახარების მქადაგებლები ღვთის ნებას ასრულებდნ და ამის ნებართვას იგინი მთავრობას არა თხოვდნ. თუ უკანასკნელი მათ ქრისტეს მოძღვრების ქადაგებას აღუკრძალავდა ღ ღვინას დაუწყებდა, — მქადაგებლები, თვის სიმართლეზე სავსებით დარწმუნებულნი, დამშვიდებულათ უპასუხებდნ: „მორჩილება ჯერ-არს ღმრთისა უფროს, ვიდრე კაცთა.“<sup>3)</sup> მორწმუნენი ივიწყებდნ ყოველს კაცობრივ ავტორიტეტს, მისი მატერიალური არგუმენტებით. მისდევდნ მხოლოდ ღვთის ნებას და მქადაგებელთა მოწოდებას სრული რწმენით უპასუხებდნ.

ამ რიგათ, ეკლესია ღვთისა ქვეყნად თვით ღვთისავე პირდაპირის ნებითაა დაფუძნებული, — და მორწმუნენი შედიან და იმყოფებიან მასში აგრეთვე ღვთის ნების თანახმად.

ამ სახითვე, ეკლესიის დაფუძნების და არსებობის მიზანსაც არაფერი საერთო არა აქვს სამოქალაქო საზოგადოებათა დანიშნულებასთან. მაშინ, როცა უკანასკნელებს სახეში აქვთ ცხოვრების გარეგანი წესრიგი უზრუნველ ჰყონ და მოქალაქეს შეძლება მისცენ ცხოვრების მოთხოვნილებანი წესიერათ დაიკმაყოფილოს, — ქრისტეს ეკლესია იმ მიზნით

\*) ის. „მწვემის“ № 10

1) იოან. 17, 16; 18, 36.

2) მათ. 16, 18; 1 კორინთ. 3, 11.

3) საქმე მოც. 5, 29; გალატ. 1, 10.



არსებობს, რომ ქვეყნად ღვთის ძის გარდამოსვლით დაწყებული კაცთა სსნის საქმე განაგრძოს ღმრთი დასურველნი მომავალ ზეციურ და სასუქუნო სასუფეველში სამკვიდრებელის მისაღებათ მოამზადოს.<sup>1)</sup> როცა ქრისტიანი ეკლესიის წევრი ხდება, მას სახეში აქვს მომავალი სასუფეველისათვის მომზადება. იგი უარყოფს ქვეყნისადმი მიდრეკილებას, მისი ქვეყნიური ინტერესებითა და სიამოვნებით, ქვეყნიურ ცხოვრებას უტყურობის ისე, როგორც მწირობის დროს,<sup>2)</sup> თვის ნამდვილ სამშობლოდ მარტო ზეცა მიიჩნია,<sup>3)</sup> განუწყვეტლივ მას იგონებს, მუდამ მასში დასაბრუნებლათ ემზადება<sup>4)</sup> და ყოველ-ლდე მის მალე მოსვლისათვის ლოცულობს.<sup>5)</sup> თვალთა ხედვის ამ უმადლეს წერტილზე მდგომი ქრისტიანი, რათქმაუნდა, ვერ შესძლებს თვისი ცხოვრების მიზნად საამქვეყნო კეთილთა მოპოვება და მათით, რაც შეიძლება, მეტი დატკობა აღიაროს; ყველაზე წინ ის ეძებს სასუფეველსა ღვთისასა; საქაო ცხოვრების სიკეთენი მისთვის მეორე ხარისხოვანი, ან უკეთ დამატებითი საგანია.<sup>6)</sup> ამიტომაც ქრისტეს ეკლესიის მიზანში არ შედის კაცთა გარეგანი კეთილდღეობის მოწყობა, არც მათთვის ცხოვრების სიკეთეთა მოპოვება, გინდ სხვა-და-სხვა უბედურებათაგან დაცვა, არც სახელმწიფოებრივი ცხოვრების არსებობისა და წარმატების უზრუნველყოფა, როგორც ეს, მაგალითათ, ძველი რომის იმპერიაში იყო რომაელთა წარმართობრივ სარწმუნოების შესახებ, მართალია, ეკლესია ლოცულობს „მშვიდობისათვის ყოვლისა სოფლისა“, „კეთილშეზავებისათვის ჰაერთასა“, „გამოღებისათვის ნაყოფთა ქვეყანისათა“, დაცვისათვის სამოქალაქო წესისა ღმრთი; მაგრამ, საუფლო მცნების თანახმად,<sup>7)</sup> საამქვეყნო კეთილთა შესახებ იგი ლოცულობს, როგორც მეორე ხარისხოვან ანუ დამატებით საგანზე.<sup>8)</sup> ამასთანავე ლოცვას ქვეყნიურ საგნებზე ეკლესია პირობითათ აღავლენს, ე. ი. უკეთუ ღმერთი კეთილ-ინებებს და ნათხოვნი სიკეთის მოცემას ჩვენთვის საჭიროდა და სასარგებლოდ ცნობსო.<sup>9)</sup>

ეკლესიის ვედრება ამ საგნების შესახებ გამოიხატე-ლია იმ კეთილმოსურნეობისა და კეთილგანწყობი-ლებისა ყველასადმი და ყველაფერში, რომელიც ქრისტიანთა ჩვეულებრივს თვისებას შეადგენს, ამ შემთხვევაში ეკლესია ემსგავსება უფალსა, რომელიც თვისის აღუწერილი მოწყალებით აღმოავლენს „მხეს მისს ბოროტთა ზედა და კეთილთა, და ჰქვიმს მართა-ლთა ზედა და ცრუთა“.<sup>1)</sup>

ქრისტეს ეკლესია, მისი წევრების მხრივ, არცერთი სახელმწიფოთი ანუ ადამიანთა არცერთი კავშირით არაა შესამზღვრული. ყველა ტომისა და ერის პირთ შეუძლიათ ქრისტეს ეკლესიის წევრობა.<sup>2)</sup> ეკლესიის წევრად გახდომაში არავითარ დაბრკოლებას და არც უპირატესობას არ აძლევს ადამიანს არც მისი სოციალური მდგომარეობა, არც სქესი, არც ჰასაკი. ქრისტეს ეკლესიის წევრობა ყველა წოდებისა და მდგომარეობის, ყველა სქესისა და ჰასაკის პირთათვის თანაბრათ ხელმისაწვდომია.<sup>3)</sup> ქრისტიანობას ადამიანს უქადაგებენ და არა რომლისამე ქალაქის გინდ სახელმწიფოს მცხოვრებს, ანუ წევრს ამა თუ იმ კარპორაციისას, წოდებისას გინდ ოჯახისას. როცა მორწმუნე საეკლესიო კავშირში შედის, ქვეყნიური დიდების ყველა ნიშნებს, ყველა წოდებრივსა და სხვაგვარს უპირატესობას კარიბჭეშივე სტოვებს,—და თან ეკლესიაში მხოლოდ კაცობრივი ღირსება შეაქვს, ე. ი. ის ღირსება, რომელიც ღვთისაგან გაჩენის დროს მიიღო. არც ეროვნულს, არც წოდებრივს და არც სხვაგვარ საპატიო ღირსებას ქრისტიანობრივს ეკლესიაში მნიშვნელობა არა აქვს; აქ ყველა თანასწორია, ყველას ერთ გვართ შეუძლია საღმრთო მადლის ტახტს მიუახლოვდეს.<sup>4)</sup> მაგრამ ქრისტეს ეკლესიის წევრად გახდომისათვის მარტვა ადამიანობა არ კმარა. ადამიანები ხორცილ ქრისტიანებად არ იხადებიან, თუნდაც მშობლები ქრისტიანები ჰყავდესთ,—არამედ ხდებიან ქრისტიანები.<sup>5)</sup> რომ ქრისტიანი გახდეს, მეორედ შობაა საჭირო, ღვთისგან,<sup>6)</sup> წმ. ნათლისღებით.<sup>7)</sup> აი საიდან

1) იოან. 3, 15—18; 1 პეტ. 1, 4—9.

2) 1 პეტ. 1, 17; 2, 11.

3) ფილიპ. 3, 20; ებრ. 11, 16.

4) ებრაელ. 13, 14.

5) მათეს. 6, 10.

6) ლუკ. 12, 29—31.

7) მათესი, 6, 6—13.

8) ლუკ. 12, 29—31.

9) მათეს. 6, 7. 8. 31—33.

1) მათეს. 5, 45.

2) მათ. 28, 19; მარ. 16, 15; კოლ. 3, 11; გალ. 3, 28.

3) კოლას. 3, 11; გალატ. 3, 28.

4) იოანე ოქრობრივი: „Всѣхъ на разные случаи“. Сиб. 1864—5. т. II, стр. 142, 157—159. 243. 244. 247. 251. 252.

5) Tertul. Apol. 18. De anima 1.

6) იოანეს. 3, 3—8.

7) იოან. 4, 2; მათ. 28, 19; საქ. მოც. 2, 38—41; გალ. 3, 27.



ამოვავლობენ ქრისტიანები. ისინი „არა სისხლთაგან, არცა ნებითა ხორცთათა, არცა ნებითა მამა-კაცისათა, არამედ ღმრთისაგან იშვნეს.“<sup>1)</sup> იგინი არიან „შვილნი ღმრთისანი“<sup>2)</sup> და „სახლელური ღმრთისანი“, ნაშობნი წმ. ეკლესიის წილში.<sup>3)</sup> მაშასადამე ყველანი ერთმანეთის ნათესავი არიან, ყველანი ძმები არიან და დები უფლისა მიერ.<sup>4)</sup> ეს სულიერი ნათესაობა მუდამ წმ. საიდუმლო ზიარებით მტკიცდება და ძლიერდება. ერთის ხორცის მიმდებელი და ერთის სასმელია ნაზიარები მორწმუნენი ერთ გვამს შეადგენენ, რომელსაც ჰყავს ერთი უხილავი თავი — ქრისტე.<sup>5)</sup> — ამ სახით, ქრისტიანები განსაკუთრებულ ერს წარმოადგენენ, ერს წმიდას, რჩეულს, ერსა ღვთისასა,<sup>5)</sup> — ერს, რომელსაც არავითარი რასებრივი და ნაციონალური განსაკუთრებული თვისებანი არა აქვს, — რომელიც გარეგნულათ მრავალგვარ ხალხთა და რასთა, სხვადასხვა წოდებისა და მდგომარეობის, ყოველგვარ სქესისა და ჰასაკის ადამიანთაგან შესდგება, მაგრამ შინაგანი სულით-კი მტკიცე სულიერ კავშირს წარმოადგენს, რომელსაც ჰყავს ერთი მამათ-მთავარი — ღმერთი, ერთი თავი — ქრისტე და აქვს ერთი სული — მადლი სულისა წმიდისა და ერთი საზრდო — ხორცი და სისხლი ქრისტესი, წმ. საიდუმლო ზიარება.

ამას შემდეგ ცხადია, ქრისტეს ეკლესიას არ შეუძლია ეროვნული სარწმუნოება შეიქნეს, როგორც, მაგალითათ, წარმართი ხალხებისა და ებრაელების სარწმუნოება იყო, ე. ი. არ შეუძლია ერთის რომელიმე ერის სარწმუნოებად ითვლებოდეს, მისი ეროვნული ხასიათის განუყრელი და სხვა ხალხთაგან განმასხვავებელი თვისება გახდეს და ამ გზით მისი ნაციონალური განკერძოების იარაღი შეიქნეს, — არ შეუძლია ხალხის ჩვეულებათა ვიწრო ჩარჩოებში ჩაეტიოს და მით თვისი მსოფლიო მნიშვნელობა დაჰკარგოს. ქრისტეს სარწმუნოება საყოველ-ხალხო, მსოფლიო სარწმუნოებაა. ხალხთა პოლიტიკური და ტომური დანაწილება მას ვერ შეავიწროვებს თავისი ვიწრო ჩარჩოებით. ეკლესიას შეუძლია წევრები ყველა ტომებსა და ყველა სახელმწიფოებში

იყოლიოს; და ყველა მისი წევრები, სადაც გინდა ცხოვრობდენ, რაგვარ პოლიტიკურ პირობებშია ც გინდა იმყოფებოდენ, მისი გვამის განუყრელ ნაწილებს შეადგენენ. ადამიანთა ტომებად, ქალაქებად და სახელმწიფოებად გარეგანს დანაწილებას ეკლესიის მხოლოდ გარეგანს მართვა-გამგეობაში აქვს მნიშვნელობა, — იგი საფუძველს იძლევა ეკლესიის წევრთა დასანაწილებლათ ქალაქების, ოლქების და სახელმწიფოების მიხედვით. აქედან ჩნდება სხვა-დასხვა ზომის ადგილობრივ საეკლესიო საზოგადოებათა მთელი ბადე. მაგრამ ეს ადგილობრივი ეკლესიები ერთის მართლის — მსოფლიო ეკლესიის ნაწილებია. იგი დამოუკიდებელი ეკლესიები როდი არიან, ამა თუ იმ ქალაქისა და სახელმწიფოს კუთვნილებას კი არ წარმოადგენენ, — არამედ ერთი სხეულის ასოები არიან. კერძო ეკლესიები საეკლესიო ორგანიზმის საერთო ცხოვრებით ცხოვრებენ, მათში სცემს საზოგადო მაჯა საღმრთო მადლისა, რომელიც საეკლესიო გვამის ყველა ცოცხალ ნაწილებს ასულდგმულებს. უკეთუ კერძო ეკლესია საერთო გვამთან კავშირს შეისუსტებს ან გასწყვეტს, — მაშინ საერთო საეკლესიო ცხოვრების წყაროც მასში უსათუოდ შესუსტდება ან დაშრება. ამიტომაც, თუ გვსურს საქმე წესიერათ მიმდინარეობდეს, თითოეულ კერძო ეკლესიას მსოფლიო ეკლესიასთან პირდაპირი ერთობა უნდა ჰქონდეს, — ერთობა არა მხოლოდ სულიერი — სარწმუნოებისა, სიყვარულისა და წმიდა საიდუმლოების მხრივ, არამედ — გარეგნულ-კანონიერიც უმთავრეს საეკლესიო კითხვების შესახებ ადმინისტრაციულ მიწერ-მოწერის საშუალებით, საეკლესიო კანონების თანახმათ.\*) მაგრამ საჭიროა შევნიშნათ, რომ მსოფლიო ეკლესიასთან კერძო ეკლესიების კანონიერი ერთობა უკანასკნელთ კი არ უნდა ავიწროვებდესთ საეკლესიო ცხოვრების იმ გარეგანს მხარეებში, რომელთაც ადგილობრივი ეკ-

\*) იოანე ოქროპირი: „Всехлы на 1-ое посланіе Коринѳянамъ“ რუსული თარგმანით II, 178: „რადგანაც მთელ გვამს კორინთის ეკლესია კი არ შეადგენდა, არამედ მსოფლიო ეკლესია, — ამისგანაც მოციქულმა დასძინა: ნაწილი ისაგანო, ე. ი. თქვენი ეკლესია ნაწილია მსოფლიო ეკლესიისა, როგორც გვამისა, რომელსაც ყველა ეკლესიები შეადგენენო, ასე რომ თქვენ მოვალენი ხართ არამც თუ ერთმანეთთან, არამედ მსოფლიო ეკლესიასთანაც თანხმობა იქონიოთ, თუ რომ ნამდვილათ მთელი გვამის ასოები ხართო.

1) იოანეს. 1. 13.

2) 1 იოან. 3. 1; ეფეს. 2. 19.

3) მათეს. 23, 8.

4) რომელ. 12, 4—5; ეფეს. 1, 22—23; III, 6; IV 4. 12. 15. 16.

5) 1 პეტრ. 2, 9—12; ტიტეს. 2, 14.



ლესის წევრთა ეროვნობასთან აქვს კავშირი, — არ უნდა აუპიროვნებდეს მათ, მაგალითად: არ უნდა უშლიდეს საღმრთო წიგნები და ღვთის-მსახურება დედა-ენაზე იქონიონ, სასულიერო მწვემები თვის თანამეტომეთაგან ამოირჩიონ, რომელიც ენით და ცხოვრების წესრიგით მათი მონათესავენი არიან, თვით საეკლესიო მართვა-გამგეობაშიაც ზოგიერთი, ადგილობრივის სახელმწიფოებრივ მართვა-გამგეობით გამოწვეული, განსხვავებანი იქონიონ, მაგრამ იმ პირობით კი, რომ ეს განსხვავებანი ძირეულ საეკლესიო კანონებს არ ეწინააღმდეგებოდნენ, და სხვა. საეკლესიო წყობილებისა და მართვა-გამგეობის ერთობა (ЕДИНСТВО) სრულიადაც არ მოითხოვს, როგორც კათოლიკები და ზოგნი სხვანიც ფიქრობენ, საეკლესიო ცხოვრების ყველა ვარეგანი მხარეების ერთ-ფერობას (УНИФОРМА). სხვა-და-სხვა სახელმწიფოებში მყოფ და სხვა და-სხვა ერთაგან წევრების მექონ ყველა ადგილობრივის ეკლესიებს რომ ერთის რომელისაზე ერის ენა და წესები სავალდებულოდ გაუხადო — ეს ნიშნავს (მდაბია ხალხის სარწმუნოებრივი ცხოვრებისათვის ამგვარი ზომის მავნებელ შედეგებზედაც რომ აღარაფერი ვთქვათ): ერთს რომელსაზე ერს მისცე სხვა ერებზე უპირატესობა, როგორც ეკლესიისათვის განსაკუთრებით საყვარელ ერს, — უპირატესობა უადგილო და საწინააღმდეგო როგორც მაცხოვრის პირდაპირის მცნებისა, ისე ეკლესიის დედააზრისა (იმ ეკლესიისა, სადაც „არა არს ურია და სკივთელი“), — ეს ნიშნავს: ეკლესია ნაციონალურ მისწრაფებათა და ინტერესების იარაღად გადააქციო, — ეს ნიშნავს: ეკლესიას ძალათ თავს მოახვიო უღირსი როლი ეროვნებათა დამზავრელობისა, — ეს ნიშნავს: საზოგადოთ, სასუფეველი ღმრთისა ქვეყნიურ სასუფეველს დაამსგავსო და ზეცის ქალაქს ამ-ქვეყნიურს ჩვეულებანი მიათვისო.

ს. გორგასკი.

(შემდეგი იქნება)

გზა ბედნიერებისაკენ.

იღეს თავი თვისი.  
(დასასრული\*).

თვით-ანალიზს, თვისის ავკარგის გასინჯვა-შესწავლას აადვილებენ წიგნებიც, სცენაზე ნახული პიესებიც და ხელოვნების ნამოქმედარიც. უფრო სასტიკათ ვკიცხავთ სხვების იმ ნაკლს, რომელიც ჩვენ თვითონაც გვაქვს: ამაყი სხვებში ჰკიცხავს სიამაყეს. პირიქით ყველაზე დიდთ ვაფასებთ იმ ღირსებას, რომელიც ჩვენ არ გავაჩნია. ამ გვარად ყველა ახასიათებს თავისს თავს მითი, თუ როგორ აფასებს სხვებსა.

აგრეთვე გავაცნობს ჩვენ თავს აზრი რომელიც ჩვენზე შეუდგენიათ იმ ადამიანებსა, ვისაც გვინდა თავი მოვაწონოთ. როგორათაც დაბალ საფეხურზე სდგას მწერალი, რომელიც ცდილობს ბრბოს მოეწონო, ისე ნაკლებ საქებია ჩვენი მოქმედებები, ფიქრები და ლტოლვილებანი, როდესაც ისინი მოსწონთ უღირსებს, დაბალი ჰკუა-გონების ადამიანებსა. აგრეთვე შეიძლება გავიცნოთ ადამიანი იმის მიხედვით, თუ როგორ ღებულობს ქებას და გაკიცხვას სხვისგან. რა თქმა უნდა აქ დიდი მნიშვნელობა აქვს იმ გარემოებას, რამდენად სარწმუნო ავტორიტეტი გვაქვს, თუ გვაძაგებს. გვლღერტის არაკის მხატვარმა მოსპო და გადააშენა სუოათი, როდესაც იგი შეაქო ფრიად სულელმა. სარწმუნო პირთა მოწონებას და კიცხვას ჩვენ სერიოზული ყურადღება უნდა მივაქციოთ — მათმა გაკიცხვამ უნდა დაგვაფიქროს და ჩვენი ყოფა-ცხოვრება აგვაწონდაგვაწონინოს; მათი ქება და მოწონება კი არ შევავადგენინებს ჩვენს თავზე გაზვიადებულ აზრსა. გარდა ამისა, ჩვენ გვახასიათებს ის, როგორ ვეგებებით ბედნიერებას ღებედურებას, მიზნის მიღწევას და იმედების გატრუება-გაცულება, ხიფათსა და დაბრკოლებას, რაიც ჩვენ ყოველი ნაბიჯის გადაღმაზე წინ გვხვდება. შეუძლებელია, ნივთიერად უზრუნველ-ყოფილს და საზოგადოდ ყოველის მხრივ ხელ-შემწყობ პირობებში მცხოვრებს ადამიანს შეუტელომლოდ აწონ-გაზომილი ჰქონდეს თავისი მოთმინება, გამბედაობა, სიმტიციე ხასიათისა, ენერგია, დიდ-სულოვანება და სიყვარული. რამდენად

\*) იხ. „მწვემისა“ № 10, 1904 წ.



განუვითარებია მას ეს თვისებები—მხოლოდ გაქირავების დროს იცნობება.

დასასრულ, ვისაც სურს გაიცნოს თავი თვისი, მან ყურადღება უნდა მიაქციოს, რამდენად იმონავებენ მას ცუდი მიდრეკილებები, ან რამდენად ძალ-უძს სძლიოს და ალაგმოს ისინი. ყველას ადვილად ჩაითრევს რაიმე ცოდვა. დიდი უნარი არაა ადამიანის მხრივ დაცვა კეთილსინდისიერებისა, როდესაც მას შემთხვევა არ ეძლევა უსინდისოთ მოაქცეულიყო. „ემმაკი (მაცდური) დაუძინებელი და მოუსვენარია“,—ამბობს ძველი ანდაზა. ადამიანს ხშირად ეძლევა შემთხვევა დაარღვიოს ზნეობრივი კანონი: ერთი გადუხვევს ზნეობის კანონს ვნებათა აშლისგამო, მეორე—გაქირავებისა ან სიმდიდრისა გამო, მესამეს ჩაითრევს პატივ-მოყვარეობა, მთავრობის-მოყვარეობა და სხვა ამგვარი რამ. ჩვენ გვლუპავს ის ცუდი მიდრეკილებები, რომელნიც უფრო გაძლიერებულნი არიან. ჩვენის თავისა ძრიელ მცირე ნდობა უნდა გვქონდეს. „გარს ბევრი ცთუნება (искушение) გვახვევია, მაგრამ უფრო მეტი ჩვენშივეა“.

ჩვენი სულიერი წყობილება შეგვიძლიან გავიცნოთ კიდევ იქიდან, თუ როგორ ვეპყრობით წაკითხულს, ან სცენაზე ნახულსა. როდესაც ჩვენ გავიგებთ რომანებიდან და დრამატულ ნაწარმოებებიდან, რა ბრძოლაში ტრიალებენ მომქმედი პირობები, მაშინ ჩვენ უნებლიეთ ვეკითხებით ჩვენს თავსა: როგორ მოვიქცეოდით ჩვენ ამის მსგავს შემთხვევაში.

კიდევ კარგი თუ ჩვენ სინიდიისიერს პასუხს მივცემთ ამ კითხვაზე და არკი შევწითლდებით სიარცხვილისაგან. შიშს და თანაგრძნობას, რომელიც ჩვენში იბადება, გამოიწვევს არა მარტო მომქმედი პირი, არამედ თვითონ ჩვენვე: ჩვენ ვშიშობთ საკუთარი სისუსტისაგამო, თანაუგრძნობთ, ვიტანჯვით ადამიანის გახრწნილი ბუნებისაგამო.

მხოლოდ წიგნების კითხვის საშუალებით შეგვიძლიან გავიცნოთ ჩვენი საკუთარი არსება. ვინც თანაუგრძნობს მარკიზ ბოზას, მაქს პიკოლომინის, ორესტის, ნეოპტოლომეოს, იფიგენის და ჟანნა დ'არკს\*), მას უეჭველად აქვს მათთან საერთო თვისება.

მომქმედი პირები სხვადასხვა ნაწარმოებების ალაფრთოვანებს მას და ისიც შეეცდება მათი მსგავსი შეიქმნეს.

გარდა ზემორე აღწერილ საშუალებათა, ჩვენი ხასიათი გამოიჩნდება იმით, თუ როგორ ვეგებებით სხვათა ბედნიერებასა და უბედურებას. თუ სხვისი ბედნიერება ჰბადებს ჩვენში შურსა, უბედურება და ტანჯვა-ვაება—სიხარულსა, ეს ნიშნავს, რომ ჩვენი ზნეობრივი გრძნობა მდებარეობს ხარისხისაა.

არის კიდევ ერთი გზა თვით-ცნობიერებისა—არ-დავიწყება და ნიადაგ ხსოვნა, როგორ შევასრულე ხოლმე საქმეს, რომელიც მოითხოვს ჩვევან ენერჯიას, მუყაითობას, თანდათანურ მუშაობას, მოწადინებულს მეცადინეობას. ამის შემწეობით ჩვენ დავრწმუნდებოდით, რომ ხშირად ისეთ საქმეს ვკიდებთ ხელსა, რომელიც ჩვენს ძალ-ღონეს აღემატება; ე. ი., რომლის შესრულების უნარი და შეძლება არ მოგვდგამს. ხშირად ადამიანი, პატივ-მოყვარეობის გრძნობით ან სარგებლობის სურვილით გატაცებული, სცდილობს ისეთი ადგილი დაიკაოს, რომელიც მოითხოვს მისთვის შეუძლებელ მუყაითობას და მოწადინებულ, ენერჯიულ შრომა-მეცადინეობას. ვოლტერი ამბობს: „ბევრნი, რომელნიც ვერ მოპრევიან საქმელს საქმესა, მშენებლად ასრულებენ ნაკლებად საქმელსა“. ძნელად თუ ვისმეს ექნება იმდენი ძალა და სიმტკიცე ხასიათისა, რომ შეეძლოს, როგორც ეს მოიქმედა კაზიმირ პერიემ, უარი განაცხადოს მშენებრივი ადგილის მიღებაზე, სთქვას: «მე ამ ადგილის ღირსად არა ვცნობ ჩემ თავსა, რადგანაც იგი მოითხოვს ისეთი სამსახურს, რომელიც ჩემ ძალ-ღონესა და ნიქს აღემატებაო». მართალია, ძლიერ ძნელია ასეთი უარის გამოცხადება, მაგრამ უფრო ძნელია ვიგრძნოთ ჩვენი სისუსტე, ვიგრძნოთ, რომ არ შეგვიძლიან წესიერად შესრულება იმ საქმისა, რომელსაც ჩვენ უკვე დავეჭვდეთ. „ცხოვრება გამოაჩენს, დაანახვებს ყოველს, რა არის იგი“, ამბობს გიოტე.

ნ. ხ.—კ.

\*) ესენი სულ ძველი და ახალი დროის კლასიკური ნაწარმოებების მომქმედი პირები (გმირები) არიან.



### ქ მსბაბე ზმსარიონის ქმ ლაშხაშიძე (ხეკრაღოვა).

იენის 2-ს ნაშუადღევს ხუთ საათხედ, შემდეგ სასტიკი ავადმყოფობისა გარდაიცვალა ქუთაისში ქუთაისის სასულიერო სასწავლებლის მასწავლებელი ესტატე ბესარიონისძე ლაშხაშიძე. განსვენებული იყო ორმოკდა-თორმეტი წლის, მაგრამ იყო ძლიერ მხნე კაცი და ღონით სავსე. არავინ არ მოელოდა, რომ ასე ღონით სავსე კაცი ასე მალე გამოეთხოვებოდა ამ წუთის სოფელს. განსვენებული იყო მღვდლის შვილი, დაიბადა სოფელს შროშას შორაბნის მაზრაში პირველი სწავლა მიიღო თავის ოჯახში და შემდეგ შევიდა ქუთაისის სასულიერო სასწავლებელში. ქუთაისის სასულიერო სასწავლებლის მეოთხე კლასიდან ერთი წლით ვადასწრო თავის ამხანაგებს, დაიკავა ეკზამენი თფილისის სემინარიის პირველ კლასში შესასვლელად, გააგრძელა სწავლა სემინარიაში და 1878 წელს ვაათავა პირველ მოწაფედ. მას შეეძლო აკადემიაში განეკრო სწავლა, მაგრამ აღარ ისურვა, რადგან განსვენებულის აზრით ბევრი მიიღტვიან ხოლმე აკადემიაში არა საზოგადოების სამსახურისათვის, არამედ დიპლომის მიხედვად, რომ ბოლოს ამ დიპლომით დიდი ჯამაგირი მიიღოს და სხვა-და-სხვა უფლება შეიძინოს.

განსვენებული კუროსი გათავების შემდეგ დაინიშნა ბერძნული ენის მასწავლებლად ქუთაისის სასულიერო სასწავლებელში. ერთ დროს სულ მოსპეს ბერძნული ენა სასულიერო სასწავლებელში. ამ ენის გაუქმების შემდეგ ქუთაისის სასულიერო სასწავლებელში ის დანიშნეს ქართული ენის მასწავლებლად ძირა კლასებში. როცა ხელახლა შემოიღეს ბერძნული ენის სწავლება ამ სასწავლებელში მაშინ ისევ მოიწოდეს ამ ენის მასწავლებლად და ამ უკანასკნელ დღემდე ამ ენას ასწავლიდა განსვენებული. უკანასკნელ დროს განსვენებული ასრულებდა სასულიერო სასწავლებლის ინსპექტორის თანამდებობას.

დღიდგან მასწავლებლად განწყესებისა სასულიერო სასწავლებელში განსვენებული 25 წლის განმავლობაში განუწყვეტლივ მსახურებდა და ამ ხნის განმავლობაში ერთი კვირის დროს თავისუფლება არ ქონებია. როცა სასწავლებელი დახურული იყო ზაფხულობით იგი როგორც თავისას ისე სხვების

ბავშვებს ამზადებდა პირველი ენკენისთვისათვის სხვა-და-სხვა სასწავლებლებში შესასვლელად. ამ მეცადინობის გარდა თუ კიდევ რჩებოდა ცოტა თავისუფალი დრო განსვენებული მაშინ დღისით და ღამით თავის ოჯახურ საქმეს აწყობდა და განაგებდა. მზად იყო თავიანთ ახლო მახლო ნათესავებისთვისაც გაეწია სამსახური. მზად იყო ყველასათვის მიეცა რჩევა, მეგობრული დარიგება და აღმოეჩინა, რითაც შეეძლო, დახმარება და შემწეობა.

უკანასკნელ დროს ამ აუტანელ ჯაფას დაემატა სხვა-და-სხვა უსიამოვნება ამა წუთი სოფლის წაღმა-უკუღმა ტრიალობით გამოწვეული. კაცი ხომ რკინა არ არის. სულ ნიადაგ გონებით მუშაკობამ გამოიწვია ისეთი სნეულება რომლის შემდეგ მისთვის უკედ შეუძლებელი იყო მაკადინობა გონებით მუშაობა, მასწავლებლობა. ორი სამი დღის შესვენების შემდეგ განსვენებული შეიქმნა კარგად და ისევ დაიწყო სიარული კლასში და შეუდგა მაკადინობას მოსწავლეებთან. კვლავ გახდა ავად და ექიმების რჩევით დაწვა ლოგინად. დაიწყეს ექიმობა არა ერთმა არამედ რამდენიმემ. მაგრამ, საუბედუროდ განსვენებულისა და მის მოკეთეთა, ვერასოდეს ვერ შეთანხმდენ ერთმანეთში და ერთი ექიმის დარიგება და წამლობა არ იქმნა მეორესაგან შეწყნარებული. დამლის დაცემისაგან ავად გამხდარი გარდაიცვალა ფილტვის ანთებით, როგორც სხეულით მთელი კაცი სიცოცხლის ძალა არ დაემორჩილა კაცის სხეულის დამშლელს ძალებს; მაგრამ ორი თვის ავადმყოფობის შემდეგ 2-ს იენის ნაშუადღევს ხუთს საათხედ დადგა კეთილშობილი კაცის გული, უკანასკნელად ამოისუნთქა და თან ჩაიტანა გამოუთქმელი შებრალება თავისი პატარა ბავშვებისა და მთელი ოჯახობისა.

დღი მუხუხარება გამოიწვია განსვენებულის გარდაცვალებამ ყველა მის ნაცნობთა შორის და ყველამ დღი პატივი სცა განსვენებულს. განსვენება და დაკრძალვა იყო დანიშნული 4 ს იენის წმიდის გიორგის ეკლესიის სასაფლაოზე. პარასკევს 4 იენის დიდი საზოგადოება შეიკრიბა განსვენებულის სახლსა და ეზოში. თითქმის მთელმა ქუთაისის სამღვდლოებამ კათედრის წინამძღვრით დეკ. გაბრიელ ცაგარეიშვილის მეთაურობით პატივისცევს განსვენებულს, წესი აუგეს და გაუძღვენ წინ სასაფლაოამდინ კარგა შორს არის რომელიც ეკლესიიდან. წესის აგების



დროს სახარების წაკითხვის შემდეგ ბ. ბენაშვილმა წარმოასრულა გრძობით სავსე შემდეგი სიტყვა.

ყოველ ადამიანს, ქართველები იტყვიან, პირში სული უღვიაო: შენც, ჩემო კეთილო მეგობარო პირში სული გეღბა, ვიდრე ქვეყნად სცხოვრობდი. დღეს სული შენი განშორდა სხეულსა და გაემგზავრა წიაღთა შინა აბრაამისათა, ხოლო ხორცი შენი დარჩა ამ ქვეყნად, რომელიც დღეს, საუბედუროდ, უნდა მივაბაროთ შავს მიწას. ამიერიდგან, ჩემო ძვირფასო მეგობარო ესტატევე, ორივე შემთხვევა იგეგმე: სიკოცხლეცა და სიკვდილიც. რა იყო შენი ან სიკოცხლე ან სიკვდილი? სიკოცხლე შენი იყო სიკეთით და ნაყოფიერებით შემკული; აღასრულე მგოსნის სიტყვები: „რა არის ჩვენი სიკოცხლე, თუ არა საქმე კეთილი“, მხოლო სიკვდილი შენი ნათესავთა, ნაცნობთა, მეგობართა და აღმზრდელთა შორის სახელოვანი. აღასრულდა მგოსნისავე სიტყვები: „სჯობს სიკოცხლესა ნაძრახსა სიკვდილი სახელოვანი“.

25 წელიწადია, ჩემო მეგობარო ესტატევე, რაც შენ თბილისის სასულიერო სემინარია ვაათავე; 25 წელიწადია, რაც შენ ქვეყნიერობაზე იღწვი. შენ აირჩიე და იკისრე ორი მოვალეობა: ოჯახი და მასწავლებლობა. ორივე მოვალეობა შენ, ჩემო მეგობარო, სახელოვანად ასრულე: — შენის მხნეობით, შენის ზნეობით, შენის გონებით იმ ნადავხედ დააყენე ერთიცა და მეორეც, რომ მტერსაც კი (თუკი შეიძლება ასე ითქვას, რადგან შენ მტერი არ გყოლია) არ შეეძლო რამე წუნი ეთქვა.

ოჯახისათვის შენ იყავი ნამღვილი მამა და ბურჯი. შენ შენის მხნეობით აყვავე და დაამშვენე როგორც გონებრიულად ისე ზნეობრიულად. სამწუხაროა მხოლოდ ის არის, რომ უღმობელმა სიკვდილმა უდროოდ გამოაგასალმა წუთისოფელს, არ დაგაყალბა გაგეწია შენ ნაყოფიერი მამობრიული მზრუნველობა იმ წვილდ შვილებისათვისაც, რომლებიც შენ დაგრჩნენ და რომლებიც საჭიროებენ შენს გონივრულ და ნაყოფიერ მზრუნველობას.

როგორც იყავი საკუთარ შენის ოჯახისათვის ისეთივე იყავი შენს ხელში მყოფ ახალგაზრდა მასწავლებელთათვის. მათდამა შენ, ჩემო ძვირფასო ესტატევე, სრული მამობრიული მზრუნველობა გქონდა: მათი ქირი ქირად მიგჩნდა და ღვინა ღვინად. შენ არ გვანდი ზოგიერთ იმ უცხო მასწავლებლებს,

რომელნიც თავის მოვალეობას მხოლოდ ფორმალურად ასრულებენ; შენ არ გვანდი იმ მასწავლებლებს, რომელნიც თავის თავზე უფრო ზრუნვენ, ვიდრე თავის ნორჩ—ახალგაზრდა მოსწავლეებზე. არა, ჩემო ესტატევე; შენ მათდამი სრული თანამგრძობი იყავი; შენ მათ ზრდიდი როგორც გონებრიულად; ისე ზნეობრიულად; შენ გულით და სულით გწადდა, რომ თვითელი მათგანი ოჯახისთვის და ქვეყნისთვის შექმნილიყვნენ სასარგებლო და სასიამოვნო წევრებად. ხშირად, ძლიერ ხშირად (მე თვით მოწმე ვარ). გაკვეთილებს რომ ვაათავებდი და, შენს პირად მოვალეობას ასრულებდი, ჩასდგებოდი დე არიგებდი, ასწავლიდი, სწუთინიდი,—თუ როგორ მოქცეულიყვნენ ცხოვრებაში. როგორც გამოცდილი და დაკვირვებული კაცი, შენ უხატავი და უსურათებდი ამ ქვეყნის ავკარგიანობას: ავს ავად აჩვენებდი და კარგს—კარგად. შენი სწავლა-დარიგება და ხელმძღვანელობა, ჩაბეტედა მათ ნორჩს გულში და მე თვითონ ბევრჯერ გამოგონია, სოფლად თუ ქალაქად,—თუ რა თანაგრძობით და პატივით გიხსენიებდნენ ხოლმე შენმიერ შენს ხელში გამოზრდილნი. ბედნიერია ის მასწავლებელი, რომელსაც მის ხელში აღზრდილნი პატივითა და თანაგრძობით იხსენიებენ! მცირეა მათი რიცხვი, მაგრამ მცირე რიცხვში შენც ურევხარ, ჩემო ძვირფასო მეგობარო ესტატევე!

იტყვიან: სიკვდილი ყველასათვის სამწუხარო და სავალალოაო. არა, ყველასათვის არ არის ასე. სიკვდილი სამწუხაროა იმისთანა კაცისთვის, რომელიც ამ ქვეყნად კეთილია და კეთილ ნაყოფს სთესავს—როგორც შენ; სიკვდილი სამწუხაროა იმისთვის, რომელიც კეთილ ნაყოფიერებით შემკული იყო და უდროვოდ გამოესალმა წუთისოფელს, როგორც შენა; სიკვდილი სამწუხაროა იმათთვისაც, რომელნიც წარმოიდგენენ თუ არა მიცვალებულს, მრავონდებათ მისი კეთილი ღვაწლა, ტკბილი და სიამოვნებით აღვსილი ცხოვრება; სიკვდილი სამწუხაროა მაშინ, როდესაც ყოველ სიკეთით აღვსილი კაცი უდროოდ გარდაიცვლება, როგორც შენ, ჩემო მეგობარო ესტატევე!

რით არის სამწუხარო იმ კაცის სიკვდილი, რომლის ცხოვრება სულ ამაოებაში და სიდუხჭიქირეში მიმდინარეობს; რით არის სამწუხარო სიკვდილი იმისთვის, რომელიც ხორცს აღადებს და



სულს ამკლევებს; რით არის სიკვდილი სამწუხარო იმისთვის, რომელიც გადაჰხდავს თუ არა თავის წარსულ ცხოვრებას, წარმოუდგება სრული უფარვისობა. ამისთანა გვაძი ხომ ემსგავსება იმისთანა ხეს, რომელსაც არც ნაყოფი აქვს, რომ კაცმა ისარგებლოს მისი ნაყოფით და არც ჩრდილი, რომ მის ქვეშ მასწვრალმა და სიცხისაგან შეწყუბებულმა მუშაკმა თავი შეიფაროს არა ჩემო მეგობარო, კიდევ გავიმეორებ: შენ იყავი მაგალითი მაღალ ზნეობისა, ყოველ ნაყოფიერებისა და ფიზიკურ-გონებისა. ამისთანა ბუნებით შემკულმა, შენ დიდი ნაყოფი გამოიღე შენ მიერ არჩეულ ცხოვრების ასპარეზზე და დღეს, ვინცკი შენ გიცნობდა: დიდი თუ პატარა, ქალი თუ კაცი მხურვალე გულით შევედრებთან ღმერთსა ლ იტყვიან: ღმერთო, საუკუნო განსვენება მიეც ჩვენს ესტატეს და მეც მათთან გულწრფელად ვიტყვი: საუკუნო განსვენება მოგანიტოს ღმერთმა ლ საუკუნოდ იყოს ხსენება შენი ჩვენს გულში, ჩემო ძვირფასო მეგობარო ესტატევე.“

წესის აგების გათავებისას მოსწავლემ... ჯათარიძემ წარმოსთქვა შემდეგი სიტყვა:

აღარ დაგვინდო მუხთაღმა ბედმა, არ შეგვიბრალა უწყალო სიკვდილმა და მოგვტაცა, თქვენი თავი. მოგვტაცა მედგარი მებრძოლი და მოწინააღმდეგე უსამართლობისა, რომელიც მზად იყო შეეწირა თავის სიცოცხლე, თვისი ჯანი საზოგადოების და ოჯახის საკეთილდღეოდ. თქვენ იყავით მაგალითი ყოველიფერ საქმეში. თქვენებრივ მუშა მამები ბევრი ექვირება ჩვენს სამშობლოს, რომ აღეზარდათ თვისი შვილები მამულის სასარგებლოდ, მაგრამ როგორც ვხედავთ ჩვენი ცხოვრების ჩარხი უკუღმა ტრიალებს, და ვხედავთ რომ თქვენისთანა მამები თან-და-თან გვაკლდებიან. თქვენ მიუძღოდით წინ თქვენს ცოლ-შვილს ყოველ გაქირვების დროს, დასტრიალებდით თავზე, როგორც კეთილ სინდისიერი მეცხვარე დასტრიალებს თავს, თავის ცხვრის ფარას, რომ რომელიმე ნადირმა არა ავნოს რამე, და ასე შრომით გამოგვიზარდე და მოგვაწოდე გაქირვების დროს შვილები, მაგრამ თქვენ, თვითონ რომლიდგანაც უფრო მეტს მოღვაწეობას მოველოდით მომავალში, სამუდამოდ მიგვატოვე; დიახ მომავალში უფრო მეტს მოველოდით თქვენი დაუღალავი შრომისაგან, მაგრამ აღარ დაგვკლდათ, და ჯერ კიდევ ჯანით, ღონით და სიცოცხლით საცხ

არსება მოგვტაცა, გამოგვასალმა თქვენს თავს ულმობელმა სიკვდილმა, და აქამოდის ბედნიერებით მიძგერალი გული ისე მაგრათ ჩაბღუჯნა თავის ბრჭყალებში, რომ შესწყვიტა ძგერა და სიცოცხლით თავის თვალები სამუდამოდ დაგახუტვია, დაგიობლდა ჯერეთ ნახევრათ ნორჩი ოჯახი, რომლის საკეთილდღეოდ დღე და ღამეს ასწორებდი, მწარე ოფლს ღვრიდი და ღმერთს ვეგდრებოდი; რომ თქვენს ხანგრძლივს შრომას ნაყოფი გამოეღოს, დიახ ეს ყოველიფერი ასე იქნება, თქვენი ოფლით მორწყული მიწა ინოყიერებს და გამოიღებს მშვენიერს ნაყოფს. მაგრამ თქვენ რა? თქვენ ვერ იტყვებთ თქვენი შრომის ნაყოფს, თქვენ ვეღარ დასტკებებით აწი ცხოვრების ბედნიერებით, ვეღარ შემოუჯდებით ჩვეულებრივით შრომის შემდეგ მაგიდას საყვარელ ცოლ-შვილში და ვეღარ დაგიტკობხთ ყურთა სმენას უმცროსი შვილის პატარა ღვეანის ხმაბლდა ტიკტიკი, ვეღარ მიეშველებით გაქირვების დროს თქვენს ცოლ-შვილს. მაგრამ თქვენს შრომას, ჯათას, ოფლის დგრას უნაყოფოთ არ ჩაღვლია, კარგი ხანია; რომ თქვენ თქვენის შრომით მოიხვეკეთ დიდი პატივისცემა ხალხის გულში, კეთილი გულით, შრომის მოყვარეობით და პატიოსნებით, მოიგეთ ახალგაზრდა მოსწავლეების გული რომილებს სათავეში დაიბანაკეთ და სცდილობდით გაგელუებით იმათ გულში ნაპერწკალი სამშობლოსადმი სიყვარულისა, მაგრამ აწი კი მოგიწყვიტა ცხოვრების უსამართლობამ ვარდი ბედნიერებისა და მასთან-ერთად გადაგისროლა შორს უფსკრულში, დიახ თქვენ აღარ არსებობთ აწი ამ ქვეყნიერათ, მაგრამ სახელი თქვენი წმინდა შეინახება ამ ჩვენს გულში, სანამ ჩვენი გულიც ისე არ გაცივდება, როგორც შენა გული პატიოსანო მუშაკო. ეხლა კი, როდესაც გვინდა მიგაბაროთ მიწას, რომელიც იქნება აწ თქვენი მფარველი, შემბრალბებელი, ვდგევართ სამარის წინ ლ მწარე კრემლები გვცვივა თვალებიდგან, ვგრძნობთ თუ რა განძი დავკარგეთ, თუ რა ბედის ვარსკვლავი მოსწყდა ჩვენი გულიდგან! ოჰ, ერთი გვექონდეს იმდენი ძალა რომ შევეტაკოთ თვით სიკვდილის უსამართლობას, და გამოვიხსნათ იმის რკინის ბრჭყალებიდგან, მაგრამ ეს არ ძალგვიძს! საუბედუროთ, დაგვრჩენია მხოლოდ-და ერთი ტირილი და ვაება. გაშმაგებული ჩვენი გული თხოულობს, რომ უკანასკნელად სამარის კარებთან კუბოშიდ დავეწაფოთ თქვენს ვაცი-



ბულს გულ-მკერდსა, დაგიკაცნოთ შრომით მოღალეული ხელები, ფიქრებით და დარღებით შეწუხებული შუბლი, დაგაკუროთ კრემლები უსიცოცხლო სახესზე, ეგების შეინძრე, აახილო თვალი და გადაავლო თქვენგნით მტკაებულს ცოლშვილს და უკანასკნელად უთხრა მათ მშვიდობით—მაშინ ჩვენი გულიც ვეღარ გაუძლებს ამ დამტანჯველ სურათს და ერთბაშათ მოვაძახებთ ამ ჩვენ გულიდგან ჯავრით და ვაგებით ამონახეთქს კაეშანით შებოქილს სიტყვებს: „მშვიდობით პატროსანო მუშაკო! შენ მოგანიქეთ ამიერიდგან ცივი და ბნელი სამარე, და თქვენს სახელს კი დაუვიწყარს, ბინა დაუთმეთ ამ ჩვენს, თქვენგან, დაობლებულ გულ-მკერდში. მშვიდობით! საუკუნოდ იყოს ხსენება შენი, ძვირფასო მასწავლებლო.“

როცა კუბო მიახვენეს და ხალხი ემზადებოდა გამოსათხოვებლად ბ. ბოკერიამ წარმოასთქვა შემდეგი სიტყვა:

„აგერ რამოდენიმე დღეა, რაც შენ ვაცხევებულგალოდებული წევხარ, და შენი უნუგეშო მდგომარეობა თავპარსა სცემს შენს უბედურ ცოლ-შვილს, გულს უდაგავს ნათესავთა და კეთილის მყოფელთ და უზომოდ აღონებს ნაცნობთ თუ უცნობთ. აი, კიდევ ღია სამარის კარი! რამოდენიმე წუთს შემდეგ თითქო შენს დღეში არ გავგელოვს და არ გქონებოდნეს ჩვენთან არავითარი კავშირი! მაშ რა დაგრა, რომ შენი სახელი აცხოველოვს და დაუვიწყარ ჰყოს? რამ უნდა გაცოცხლოს, გაამაგროს ის კავშირი, რომელიც გაერთებდა ჩვენთან? დასასრულ, რამ უნდა ანუგეშოს შენი უმწუკო და უნუგეშო ცოლ-შვილი?... აი საკითხი, რომელსაც შენშაკე ვანვლილმა და დღეს შეწვეტილმა სიცოცხლემ უნდა უგოს პასუხი...“

შკოლაში აღიზარდენ და შკოლაშივე დალიე უკანასკნელი წუთები; მოსწავლიდან მასწავლებლად იქეც და მასწავლებლობას შესწირე სიცოცხლე; მასწავლებლობა შეიქმნა შენი ერთად ერთი საგანი, ყმაწვილთა მგრძნობიერად აღზრდა—ერთად ერთი მიზანია,—და მან გადაგტანა თან. გაწა შეუძლიან გამოუცდელს წარმოდგენა იმ აუტანელი, შვი შრომისა, გულის ხეთქისა, სისხლის შრომისა და ყოველ დღე დახშული, მტკრიანი ჰაერის სუნსეკით სულის ხუთვისა, რომელსაც ეწვეთდი და უძლებდი შენ?... ძნელია, ძნელი ერთგული მასწავლებლობა!.. და

ამიტომაც ბევრი ადრევე შველის თავს პპოულობს მშვიდობიან ნაე-საყუდელს და იქ აღლვევებს თავის კეთილდღეობას. შენ-კი ეს ოცდაათი წელი არ იცოდი, თუ რა იყო მოსვენება; თავდავიწყებული-სათვის არ არსებობდა არც გაზაფხული თავისი მშვენიერებით და არც ზაფხული თავისი აუტანელი სიცხე-სიმწვაით. შენმა მაგარმა ბუნებამ ღღემდის სძლია ვოველივე; მაგრამ დღეს, თითქო გაქანებული ნავი ტალღებმა კლდებზედ მიამხვრიესო, შენც ცხოვრების შეუბრალებელმა, გიჟმა ტალღებმა უეცრად შეგმუსრეს და გამხვრიეს!.. მერე რა დროს?... იმ დროს, როცა შენი შვილები, დიდიდან პატარამდის, შენვე მიგყავდა ტაატიო სწავლის გზაზედ. ჯერ არც ერთის მომავალი აწმყო სიბნელეში არ გამოარკვეულა; ხოლო ერთად ერთი მათი გზის მანათობელი ლამპარი გაპქრი სწორედ მაშინ, როცა შენი შვილების დღევანდელი მდგომარეობა ითხოვდა შენგან გაათეცებულ მხნეობას. ნუთუ უღალატე წმინდა მოვალეობას—შვილების აღზრდა-განათლებას, სინიღისისა და სამშობლოს წინაშე პირნათლად ყოფნას?... არა, არა! ჩვენ ვერ შეგწამებთ ასეთ ორგულობას!.. შენ მოკვდი აუტანელ ტვირთქვეშ, ხოლო შენი სიკვდილით ჩვენ აგვიხილე გონების თვალი და დაგვანახე ნათლად, თუ როგორია შრომა უზომოდ შეყვარებული, თავდავიწყებული, რომელსაც სწირავ სიცოცხლის უკანასკნელ წუთს... სამაგიეროდ შენი ნაშრომ-ნაღვაწი მრავალის წლისა ითვისებს, ისისხლ-ხორცებს შენს სახელს და ჰქმნის მას უკვდავად...“

მაშასადამე, არა ხარ მკვდარი, ესტეტე, შენი მრავალ წლოვანი შრომა და ღვაწლი მარადის გაცოცხლებს შენ და გყოფენ უკვდავად; ხოლო ის შადლი, რომელიც შენგან უხვებით გამოვიდა, იგივე ნათლის-სვეტია, შენი შვიდი ობლის ბნელი გზის მანათობელი!..

მშვიდობით!.. გეთხოვებით გულდაწყვეტილნი, ივალ-კრემლიანნი!.. საუკუნო იყოს ხსენება შენი, ძვირფასო ესტატე!

ამ სიტყვამ დიდი შთაბეჭდილება მოასდინა მსმენელებზე რადგან ეს სიტყვა თითქმის ყველას გულის პასუხი იყო, რომელნიც დაახლოვებით იცნობდენ განსვენებულს. სიტყვები და ლექსები წარმოსთქვეს სხვებმაც მაგრამ ადგილის უქონლობისა გამო ისინი არ იბეჭდებან.

განსვენებულის კუბოს ამშვენებდენ ათიოდე გვირგვინი სხვა-და-სხვა დაწესებულებათა და პირთაგან მოტანილი.



**იმერეთის მხარის სამღვდლოების დეპუტატთა კრება ქ. შუთისში 15-22 დეკემბერს 1903 წ.**

გაგრძელება \*)

სამღვდლოების კრებამ ვერ მიიღო ჯეროვანი ანგარიში სანთლის ქარხნის გამგე კომიტეტისაგან. როგორც თვითონ კომიტეტი განაცხადებდა სანთლის შემოსავალს იყო მოკლებოდა თორემ არა მოუმატნია-რა. ამასთან სამღვდლოებს გამოეცხადა, რომ სანთლის ქარხნისა და ამ ქარხნის საწყობისათვის სახლი დაექირავებია სადმე ქალაქში, რადგან ქარხნის სახლი ქალაქის უბრავის განკარგულებით დაექვეთ უყარგისობისა გამო და სანთლის საწყობის ოთახის დაცლას მთავრ ანგელოზის ეკლესიის კრებული ითხოვდა. კრების დროს სანთლის ქარხანა უკვე მოთავსებული იყო კანტრაგენტის ბოლქვაძისაგან დაქირავებულ, სახლში თეთრ ხიდ გაღმა. სწორეთ გასაკვირვლად მიიჩნია სამღვდლოებამ სანთლის ქარხნის გამგე კომიტეტისაგან ასე ადვილად მიტოვება სანთლის ქარხნის შენობისა. ამ შენობას არა უშავდა რა და არც ასე ადვილად დამგვრევის შიში არ მოელოდა. სამღვდლოებამ ცოტა ფული არა აქვს დახარჯული ამ შენობის გადასაკეთებლად და რად მიატოვეს ასე აჩქარებით, სწორეთ გასაკვირველი იყო. დიდი ხანია კითხვავა აღძრული, რომ ეპარქიის სასწავლებლისათვის დასცალონ ეს ადგილი და ქარხანა სადმე სხვაგან გადაიტანონ, მაგრამ არ უნდა ავიწყდებოდეს სასწავლებლის გამგეობას, რომ სანთლის ქარხანა და სასწავლებელიც სამღვდლოების არის და სასწავლებელი ხელს უნდა უწყობდეს სანთლის ქარხანას, რადგან კარგა ბლომად შემოსავალს იღებს ამ სანთლის ქარხნიდან. საქმე ისე იყო დაყენებული, რომ სანთლის ქარხნისათვის სახლი უნდა დაექირავებინა სამღვდლოებს სადმე ქალაქში. კარგად იცის ყველამ, რომ დღეს სახლის დაქირავება ქუთაისში და ისიც რიგიან ადგილზე და რიგიანი შენობა კარგა დიდ ფულს მოითხოვს სამღვდლოებისაგან. ბოლქვაძე, რომელსაც თავის სადგომ ბინაში მოუწყვია სანთლის ქარხანა სამღვდლოებს პირდებოდა, როგორც ამბობდენ ზოგიერთები, რომ სანთლის ქარხნის სახლის ქირას არ მოსთხოვდა, რასაკვირველია, თუ სამღვდლოება

ნებას მისცემდა სანთლის ქარხნის გამგე კომიტეტს ძველებურად, მათებურად კიდევ შეკროდა სანთლის დამზადებას სამის ან მეტის წლით. ამასთან მოხერხებით, როგორც ბოლოს გამოაშკარავდა, თხოვნებ შემოეტანათ ზოგიერთ პირებს, რომელნიც სანთლის დამზადებას პირდებოდენ სამღვდლოების კრებას სწორეთ ამ გაქირავებულ დროს აღძრავა კითხვა სანთლის ქარხნის გახსნისა და დამზადებისა გელათის მონასტერში. მათმა მეუფებამ იმერეთის ეპისკოპოსს ლეონიძემ გამოუცხადა სამღვდლოების კრებას რომ საუმჯობესოდ და საიმედოდ ადვილად მიიჩნევიან მონასტრის ადგილი სანთლის დამზადებისათვის სანთლის დამზადების საქმე სწორეთ, სასარგებლო და შესაფერის საქმედ მიიჩნია მონასტრის მცხოვრებთათვის. მე ვგონებ, ბრძანებდა მათი მეუფებ სრულებით არ უნდა იყოს აქ შიში სანთლის ცვლის მოპარვისა, გამოცვლისა და სხვა რამ ცუდ მასალის შეკრევისა. მე ვგონებ გელათის მონასტერში ბინაც გამოინახება და სანთლის გათეთრებაც ბევრად აადვილებული იქნება. მთელმა კრებამ აღტაცებულ მიიღო მათი მეუფების წინადადება და დაადგინ ძველ მოკანტრახტესთან განაგრძოს სანთლის გამგე კომიტეტმა ამ წლის დამღვეამდისინ სანთლის დაზადება; იქმნეს აღრჩეული კომიტეტი დეკ. დავრიძისა და სიმონიძისა, მღვდელთ ტ. კაპანაძისა და სიმონ მჭედლიძისაგან, რომელთაც მიენდოს ამ საქმის გამოკვლევა და მოწყობა მომავალი 1905 წლიდან ჩვენის აზრი თუ ეს საქმე როგორიმე გზით მოეწყო გელათის მონასტერში დიდად სასარგებლო იქნება სამღვდლოებისათვის, ვინაიდან გელათის მონასტერში სამღვდლოებს აღარ დასქარდება ბრჯი კომიტეტის წევრებისათვის და სრულებით მოისპობა ის შიში, რომელიც დღეს განსვენებულ არ აძლევს როგორც კომიტეტს ისე სამღვდლოებს. მეორეს მხრით მონასტრის მცხოვრებთა მისცეს საქმეს და ამ საქმით საშუალებას აღმოუჩინეს მათთვის ცხოვრების გაუმჯობესობისას ნივთიერად მერტომან ქნას, რომ ეს საქმე რიგიანად მოწყობილიყოს გელათის მონასტერში. ძლიერ სასურველი რომ სანთლის დამზადება თვით ბერებმა და მონასტრის მცხოვრებთა შეისწავლონ...

დამსწრე.

\*) იხ. „მწყემსი“ № 10

(გაგრძელება იქნება).



† მიმი ს. ზ. თოფურია.

ჩვენ დაბეჭდილი ვეკონდა ჩვენს გამოცემაში ექიმის ს. ზ. თოფურიას მძიმე ავადმყოფობა; ეხლა მივიღეთ ცნობა მის გარდაცვალებაზე.

მცირე ავადმყოფობის შემდეგ გარდაცვლილა ჩვენი დაულალავი და მეტად სასარგებლო მოღვაწე ქეთისის საუკეთესო კერძო სამკურნალოს დამარსებელი და ვამგე სამსონ ბესარიონის ძე თოფურია. ასეთის აღამიანის დაკარგვა, რომელსაც, სამწუხაროდ, ძლიერ ცოტა ჰყავს მსგავსი, დიდი დასაკლისია ჩვენის ქვეყნისათვის; ეს მით უფრო სამწუხაროა, რომ სამსონ თოფურია შედარებით ჯერ ახალგაზრდა კაცი იყო და ამ დაულალავ ენერჯის პატრონს კაცს კიდევ ბევრის ვაკეთება შეეძლო. საუბედუროდ, წლებანდელი წელიწადი ამ მხრივ მუხთალი გამოდგა ჩვენთვის: რამდენიმე მხნე მოღვაწე მოგვტაცა უწყალო სიკვდილმა.



მაბეზლარი.

მიწას ზევით რაც არა სჩანს  
მიწაშია დამარხული,  
ემშაკობით გატენილი  
საბოროტოდ დასახული.

იბერება როგორც ტიკი,  
ფიქრობს, არ ყავს თავის ტოლი,  
ნამღვილად კი, ქვეყნისათვის  
არის ლეში, მყრალი მძორი.

ნეტა რისთვის თავმოწონობს?!  
ციკნობთ ვინცა... ქიასშვილი!..  
? ჭუნებისგან მოძმეთ სავნოდ  
გაჩეილი, დანიშნული..

თავს გაჩვენებს ანგელოსათ,  
ემშაკების არის ბუდე,  
ვისაც ჰკითხავ, სულ ყველას სძაგ  
ეგ ღვთის მტერი, ფლიდი, მრუდე.

სული არ სწამს, საიქიო,  
სააქოდ ითბობს ხელსა,  
მით ნეტარებს, როს უდანოდ  
გამოუქრის მოძმეს ყელსა.

სულის კაცად მიწეული  
ხელობითა მამეზლარი,  
სიტყვით, საქმით, ქცევით, სახით  
საძულელი, საზიზლარი.

ან კი რა ჰქნას, ბუნებისგან  
ასე არის ვანაქელი,

ქურქელია ბოროტების,  
აბა სახეს დააჩრდიო!

ავერ ფული მიაბარეს  
შესანახად, დასაცველად,  
მომპარესო, ცრემლი ღვარა  
მართლა გულის დასაწველად.

ნაცნობები შეაწუხა:

დამიხსენით ბედ-კრულიო  
შემეწიეთ ცოტ-ცოტა-რამ,  
რომ შევამსო ის ფულიო.

თქმულა: „ოქროს სარტყლის მქონეც  
რომ გეწვიოს მთხოვნელიო,  
განიკითხეთ და მის ნაცვლად

ღმერთია გადამხდელიო.“

ეს თხოვნა, რომ შეუსრულეს  
წვერცამეტა ჯაშუშასო,  
ახლა ჰფიქრობს: ფლიდი ვიყავ,  
ფლიდობა ვქენ რაუშავსო!

როგორა ვქნათ? ცრუ-ჯაშუში  
მივიჩნიოთ კვლავ ღვთის კაცად?!

თუ დავთვალთ ბელზებულად  
და უღლავშებ გასაპარკად?

მიწას ზევით რაც არა სჩანს  
მიწაშია დამარხული,  
ემშაკობით გატენილი  
საბოროტოდ დასახული.

რ. ქართველისშვილი.






**გოგირდითა და შაბიამანით წამლობა ვაჟისა.**

როგორც ბ-ნ ნადიკერელი, ისე ბ-ნ დიმიტრა-შვილის წერილი (იხილე „ცნ. ფურცელ“-ს №№ 2493 და 2517) საყურადღებოა არა მარტო კახელ მევენახეთათვის, არამედ ყველა სავენახე რაიონებისათვის, სადაც ვაზს გოგირდით და შაბიამანით წამლობა სჭირდება. იმერთში ხან-და-ხან ნაცარი ანახევრებს ყურძნის მოსავალს და თანაც ვაზსაც ასუსტებს. ეს ორი-სამი წელიწადია, რაც აქ მიჰხდნენ გოგირდით წამლობას, თორემ უწინ ან სულ არ სწამლობდნენ და თუ სწამლობდნენ, სრულიად უნაყოფოდ. მხოლოდ მაშინ მიაყრიდნენ გოგირდს, როცა მარცვლები სრულიად დასკდებოდა ხოლმე ნაცრისაგან, ისიც მხოლოდ მტევნებს, ფოთლებს ჭკლორტებს სულ არ აკარებდნენ გოგირდს. ასეთი წამლობა, რასაკვირველია, უნაყოფოდ გაივლიდა. ამბობდნენ: არაფერს არ ჰშველის გოგირდიო. მე კი, ჩემის გამოცდილებით, შემიძლიან თამამად ვსთქვა, რომ თუ კი თავ-თავის დროზე უწამლებთ გოგირდით ვაზს და ხეირიანად მოაფრქვეთ, ნაცარი იშვიათად გაჩნდება ვენახში. გოგირდის მოფრქვევა ვაზს პირველად უნდა იმ დროს, როდესაც ყლორტები 2-3 ფოთოლს გაიკეთებს, შემდეგ უნდა ურჩიოთ დრო, როცა ვაზი გაყვავილებას აპირებს; ამ დროს გოგირდის მტვერი ნაცრის წინააღმდეგაც მოქმედებს და გაყვავილებასაც ხელს უწყობს; მესამედ მაშინ უნდა უწამლოთ, როდესაც მტევნები თავის ფორმას მიიღებს და ყურძენი შეთვალებაში გადავა, მერე კი უნდა დაუკვირდეთ და თუ სადმე შეამჩნიოთ ნაცარი ყლორტსა ან მტევანზე, ავადმყოფი ნაწილი უნდა მოაცილოთ ვაზს, დასწვით და შემდეგ უნდა გოგირდის მტვერი მოაყაროთ არა მარტო ავადმყოფ ვაზსა არამედ ირველივ რამდენისმე ძირ მოელ ვაზსაც.

ქვემოტვებას ბრძანებს ბ-ნი ნადიკერელი, რომ გოგირდით წამლობა ადვილი არ არის და საჭიროა კი იყო ვადვილება. პართლაც, როგორც ბატონი ნადიკერელი სწერს, პირველად საფრანგეთი ჩაფიქრა ამ გარემოებაში, სადაც სკადეს გოგირდის არევა ბორღის სითხეში და ისე ეჭამება. ცდამ სასურველი ნაყოფი მიიტანა. ეს უკანასკნელი საშუალება ეკონომიურადაც და ჭრაქის და ნაცრის საწინააღმდეგოდაც შესამჩნევი გამოდგა. ეს სამი წელიწად-

ია, რაც ბ-ნი ტიებო სცდის თავის მამულს „კლო-ჟურულში“ ამისდაგვარ წამლობას და ყოველ წელს სასურველ შედეგს ჰხედავს. თუმცა ამ ვენახის ადგილის მდებარეობა ხელს უწყობს ნაცრის განვითარებას, მაგრამ იშვიათად შეხედვით დანაცრულ ვაზს. წელს უკვე მესამედ დავიწყეთ წამლობა და ევროპიული დამყნელი ვაზი არც ერთხელ არ დანაცრულა (ვენახი სივრცით 7<sup>1</sup>/<sub>2</sub> დესიატინაა). 12 გირვანქა სპილენძის შაბიამანს 5<sup>1</sup>/<sub>2</sub> გ. კირს ვუშვრებით და 11 გირვანქა გოგირდს. წამალს ვაზავებთ თავმოხრილ 30 ედრიან ბოჩაში, რომელსაც ვავსებთ თავამდის. როდესაც კირი სრულიად დაიშლება და ისევ ცხელია, სწორედ ამ დროს დავაყრით ხოლმე გოგირდს და აურევთ ერთმანეთში კარგად, შემდეგ წყალს უმატებთ და ისე ვურევთ, მხოლოდ იმდენ წყალს არ ვასხამთ, რომ გათხელდეს; როცა განელდება, ხელით ვხელთ, როგორც ცომს, რაც აუცილებლად საჭიროა გოგირდის კურკუშალების დასაშლელად. კარგად მოხელის შემდეგ წყალს ვუმატებთ ჭვტქვეფავთ ჩოტიით კარგა ხანს. ცალკე კირი და გოგირდი უნდა იყოს მომზადებული და ცალკე გახსნილი შაბიამანი. ხმარების წინ წმინდა ცხრილში ვატარებთ გათქვეფილ გოგირდსა და კირს და სითხეს კარგად ვურევთ. ამ რიგათ მომზადებულ წამლის გაჩერება არ ვარგა. ჩვენში იციან დამატრებული წამალი სჯობსო, შემცდარი აზრია. ასე-კი შეიძლება, რომ გოგირდი და კირი არეული ერთმანეთში ცალკე ჭურჭელში შეინახო და გახსნილი შაბიამანი ცალკე და ხმარების წინ აურიოთ ერთმანეთში. როცა ყურძენი დაისრიმდება, მაშინ-კი აუცილებლად საჭიროა ცალკე გოგირდი მოაყაროთ, რადგან ფოთლები უშლის სითხის ცუარს მტევნების მოსხურებას, გოგირდის მტვერი-კი ადვილად ეყრება მტევნებს საბერველის საშუალებით. („ცნ. ფურ.“)

გვერდს ითხოვთ იხილეთ მითხრე გვ  
  
 აქედან მართალი ფოთლები  
 ფოთლებზე ძობო სტვორტვამ ოდნ  
 ამოთვა მიმხონ ძირკოლობა



### შუხნალ-გაზეთებიდან.

„სტანდარტ“-ის კორესპონდენტი სწერს: 17 ივნისს კუნძულ მასუიმაზე რუსის ტყვეები ვნახე. იქაურ სამხედრო საავადმყოფოში სულ 306 დაჭრილი რუსი იწვა. მომეტებულ ნაწილად მსუბუქად იყვნენ დაჭრილნი. ამათგან 209 კაცი მთლად მორჩა; საავადმყოფოში ეხლა 12 აფიცერი, 37 უნტერ-აფიცერი და 49 სალდათი-ღაა. ავადმყოფებს კარგად ინახავენ და კარგად სწამლობენ. დაჭრილ რუსებს იაპონელი და ამერიკელი ქალები, მისიონერები და წითელ ჯვრის საზოგადოების წევრებიც უვლიან. კუნძულზე კარგა მყოფი რუსებიც ცხოვრობენ: 21 აფიცერია, 54 უნტერ-აფიცერი და 583 სალდათი. აფიცრებს საერთო ზალა და ცალ-ცალკე საწოლი აქვთ; სადგომს ახლო ბაღიც აქვთ. ესენი ყველაფერზე მადლიერები არიან, მხოლოდ იმას სჩივიან, რომ უდარაჯოდ ქალაქში არ გვიშვებენო. იაპონელები მეტად კარგად ექცევიან რუსებს და ხან-და-ხან საჩუქრებსაც უგზავნიან. უნტერ-აფიცრები და სალდათები ხუთ სახლში დგანან და ძლიერ ემადლიერებიან თავებიანთ ყოფას. ესენი მარტო იმასა სჩივიან, რომ საქმე არა გვაქვს-რაო. იაპონელი მოხელეები ამბობენ, რუსის სალდათები ძლიერ კარგად იქცევიანო. იაპონელები რუსის სალდათებსაც ხშირად უგზავნიან პაპიროზსა და სურათებიან გაზეთებს. 22 დაჭრილ რუსის მატროსიდან, 13 კაცი მორჩა ლ სამშობლოში წავიდა, დანარჩენნი-კი ორის თვის შემდეგ წავლენ. ტყვე რუსებს ამერიკელი მისიონერები და მარტლმადიდებელი მღვდელი ხშირად ინახულებენ ხოლმე. კუნძული მასუიმაზე მეტად კარგი ჰავაა. (რ. ლ.)

\* \* \*

ინგლისელთ ამ ქამად გაცხარებული ბრძოლა აქვთ ტიბეტელებთან. შორეულ-აღმოსავლეთის ომმა ჩაჩრდილა ინგლისელების ეს ახალი „ექსპედიცია“: სხვა დროს ეს ამბავი დიდ აურზაურს გამოიწვევდა და დიდ სახელმწიფოთა ინტერესებს ერთმანეთს შეახეთქებდა. ნამეტურ რუსეთი დღევანდელივით გულგრილად არ მოეკიდებოდა ამ საქმეს, ომში რომ არ იყოს გართული, რადგან ტიბეტი რუსეთის იმპერიის მოსაზღვრეა აზიაში. დღეს კი, ჯერ-ჯერობით მაინც, ინგლისი დაუბრკოლებლივ ასრულებს

თავის წადილს... რას წარმოადგენს ტიბეტი და რა უნდა მისგან ინგლისს ეს ყველამ კარგად იცის.

\* \* \*

16 ივნისს, ნაშუადღევს 5 საათზე, მოსკოვში ძლიერი ქარი ამოვარდა. წვიმა მოვიდა და ისე დაბნელდა, რომ უსინათლოდ კითხვა არ შეუძლებოდა. ამ დროს ქალაქის განაპირა ადგილებში საშინელი უბედურება დატრიალდა. ლეფორტის უბანში მძლავრი გრიგალი ასტყდა, მთლად გაანადგურა ანენგობის პატარა ტყე: ძირიან ფესვიანად მოსთხარა უზარმაზარი ხეები. ყველა სახლებში ჩამტვრეულია ფანჯრები, ბევრს მოგლეჯილი აქვს სახურავები; ბევრი სახლი სრულებით დანგრეულია. მოსკოვის სამხრეთ-აღმოსავლეთ ნაწილს მუსრი გაავლო საშინელმა გრიგალმა, მოჰკლიჯა ქარხნებს 600 ფუთიანი საკვამლეები და რამდენიმე საჟენის მანძილზე გადაისროლა.

ქალაქის საავადმყოფოებში უკვე მიუყვანიათ 233 მიიმედ და მსუბუქად დაჭრილი მოსკოვის მცხოვრებელი. ჯერ-ჯერობით უნახავთ მოკლული 9 გვაში. ფიქრობენ, რომ ბევრი ნანგრევებს ქვეშ არიან დამარხულნი. ერთი დანგრეული სახლი გათხარეს და იპოვეს შიშისაგან სულ-განაბული 9 წლის პატარა ბიჭი, რომელმაც მთელი ღამე გაატარა ნანგრევებს ქვეშ და, საბედნიეროდ, ცოცხალი გადარჩა.

მთელი მოსკოვის პოლიცია და ექიმები ფეხზე არიან დაყენებულნი. დანგრეულ სახლებს მრავალი მუშა ასეგია.

საშინლად დაზარლდნენ გრიგალისაგან მოსკოვის სამხრეთ-აღმოსავლეთით მდებარე საგარაკო ადგილები. სოფ. ჩაჰი სრულებით განადგურებულია. 6 საგარაკო ადგილი საშინლად არის დაზარალებული. სოფ. ლიუბლინოში დანგრეულია 60 საგარაკო სახლი და 80 დესიატინაზე ძირიან-ფესვიანად ამოთხრილია დიდრონი ხეები. გრიგალი იტაცებდა ქუჩებში ცხენებს და ბუმბულივით ატრიალებდა ჰაერში.

მრავალი ხალხი დაშავდა და დაიქრა სოფლებში და საგარაკო ადგილებში. დაიქრა და დაიღუპა მრავალი საქონელი.

მოსკოვის დანგრეული ნაწილი უდაბნოს წარმოადგენს.



ხმა დადის, ვითომ ინგლისი და ამერიკა რუსეთისა და იაპონიის შერიგებას სცდილობენო. „ტაიმს“-ის კორესპონდენტი იუწყება: იაპონური გაზეთები სწერენ, იაპონელები უკანასკნელ სისხლის წვეთამდე იბრძობდნენ; სანამ ფულის ხსენება მთლად არ გაუწყდებათ, არავის დახმარებასა ჭ შუამავლობას არ დასთანხმდებიანო. (რ. ს.)

საუბარი ანაზქელ დაზღამატთან. ფრანგულ გაზ. „მარტენ“-ის კორესპონდენტს ლონდონში იაპონელი დიპლომატი ბარონს სუემასუ უნახავს და ესლანდელ ომზე უსაუბრნია. იაპონელ სახელმწიფო მოღვაწეს უთქვამს: ჩვენი საქმე სამხედრო მოქმედების ასპარეზზე საკმაოდ კარგად მიდის, ძლიერ მამაც და მედგარ მოწინააღმდეგესთან გვაქვს საქმე. უნდა მოგახსენოთ, რომ მთელი იაპონია პატივისცემით იხსენიებს რუსის აფიცრებსა და სალდათებს. ამ ომის დროს რუსებმა საკვირველი მამაცობა და მედგრობა გამოიჩინეს. იაპონელები საფრანგეთის ხალხით რაინდული ხალხია და დიდ აფასებს რუსის ჯარის სიმამაცეს. გენ. კუროპატკინსაც კარგად იცნობს ჩვენი ხალხი და დიდ პატივსაც სცემს, როგორც კაცსა და როგორც სარდალს. ამისთანა სარდალი ყველა ევროპიელ ჯარს დაამწვენებდა, იაპონიის საელჩოს ლონდონში არაფერი ცნობა არ მოჰსვლია პორტ-არტურთან, მაგრამ ყოველ წამს-კი მოვლიან. გაზეთებიდან ვიცით, რომ ჩვენი ჯარი ხმელეთიდან და ფლოტი ზღვიდან ერთსა და იმავე დროს დაეცემიან პორტ-არტურს. მგონია, პორტ-არტურთან ჩვენ 100 ათასი ჯარის-კაცი გვეყოლება, რუსებს-კი პორტ-არტურში 20 ათასი კაცი ეყოლებათ. მგონია, რომ ჩვენ ჯარს პორტ-არტურის შტურმის დროს დიდი ზარალი მოუვა...

— პორტ-არტურის აღების შემდეგ რას იზამს თქვენი ჯარი, რუსის უმთავრეს ჯარს დაეცემა, თუ არა?

— საიდან იცი, რომ ჩვენი ჯარი ეხლავე, პორტ-არტურის აღებამდე, იერიშს არ მიიტანს რუსის უმთავრეს ჯარზე?

— შერე რაღასა უკნა, ხარბინისკენ გაილაშქრებ?

— ეგ აღარ ვიცი. ლაოიანიდან მეტად შორსაა ხარბინამდე.

— იქნება შუკდენში ვაჰმავრდეთ?

— არა, ჩვენი ჯარი მუკდენის ჩრდილოეთით დაიქვრს მაგარ სტრატეგიულ პოზიციებს.

— მართალია, რომ იაპონელები ვლადივოსტოკსაც ალყას შემოარტყემნო?

— იქნება ეგეც მართალი იყოს.

— ვსთქვათ, ყველგან გაიმარჯვებო, — ამდენ პოზიციებზე გამაგრებასა, რუსის ჯართან ბრძოლასა და ასეთ დიდ მანიპულზე გაფანტულ ჯარის კვებას რა ნაირად მოახერხებთ? რის იმედი გაქვთ?

— ყელა ეგ წინადადეგ მოვიფიქრებ და მოვისახრებ, ომისათვის რომ ვემზადებოდით. (ზ. ვ.)

უცხოეთის ჰრესის წინა პორტ-არტურზე. გერმანელი სამხედრო მწერალი „პრუსიელი აფიცრი“ სწერს „ფრანკფურტერ ცაიტუნგ“-ში: რუსები, უეჭველად, მედგრად დაცევენ პორტ-არტურს. მათე დიდი სისხლის ღვრა და მეტად გამირული ბრძოლა მოხდება. იაპონელები და რუსები გიჟურ გამირობას გამოიჩენენ. იაპონელები გალომებულები დაეცემიან ციხეს, რუსებიც უკანასკნელ სისხლის წვეთამდე იბრძობდნენ და ყოველ ფეხს გადადგმას მედგრად დაცევენ. ყველანი დავინახავთ, რომ ამ ქვეყნიერობაზე გულადი ხალხი არ გამოლეულა. მაგრამ მინც ისეთი ბრძოლა და ისეთი სამხედრო ხერხი სულაც არაა ქუთაში მოსასვლელი. კარგი სარდალი თავდაპირველად იმას უნდა ეცადოს, რომ რაც შეიძლება ნაკლები ჯარი დააქლდეს და უფრო ხერხით გაიმარჯვოს და არა ძალით. მაგრამ იაპონელები პორტ-არტურთან ისე დინჯათ და ფრთხილად ველარ მოიქცევიან, როგორც იალუზე მოიქცენ... 10 წლის წინად იაპონელებმა ეს ციხე შტურმით აიღეს და მერე-კი რუსებმა ხელი ააღებინათ და თითონ დაიჭირა. პორტ-არტურის დაკარგვამ გული დასწყვიტა იაპონიის ხალხს. მე კარგად ვიცნობ იაპონელს. ყოველთვის იღიშება, მაშინაც-კი, როცა უსიამოვნო რამეს ეუბნებიან, მაგრამ თუ ლაპარაკი პორტ-არტურზე ჩამოუდგეთ, იმის სახეზე დიმილის ნასახს ველარ დაინახავთ. არა მგონია, იაპონელები ეხლა ომის დროს უფრო დინჯად, გულგრილად უცქერიოდნენ პორტ-არტურს...

ცნობილი ფრანგი სამხედრო მწერალი ერნსტ ჟიუდი სწერს: პორტ-არტურში რუსის ესკადრა დგას. ამიტომ იაპონიის ჯარსა და ფლოტს თავდაპირველად ამ ციხის აღება დაავალეს. თუ ეს საქმე ასრულეს, მაშინ ბალტიის ესკადრას დიდ ოკეანეში



ბინა აღარ ექნება. პორტ-არტურის აღებას მეტად დიდი მნიშვნელობა ექნება შორეულ აღმოსავლეთისათვის. მთელი ჩინეთი კიდევ კიდევმდე შვირყვეა და ვინ იცის, მაშინ რა ამბები მოხდება... ყოველმა იაპონელმა ჯარის-კაცმა იცის ეს ამბავი და ამიტომ ცინჯოლს შტურმის დროსაც ასეთი საკვირველი თავგანწირულება გამოიჩინა... ერთის სიტყვით პორტ-არტურთან ისეთი გასაოცარი ბრძოლა მოხდება, რომ იქნება ამაზედ უფრო სერიოზული ბრძოლა და დიდი სისხლის ღვრა მსოფლიო ისტორიაშიაც არ მომხდარიყოს. (რ. ლ.).

**ოპის ამბები.** იტალიურ გაზ. „ტრაბუნა“-ს დღეებით ატყობინებენ ჩიფულან: უკანასკნელ კვირის განმავლობაში იაპონელები ყოველ დღე ზარბაზნს უშენენ პორტ-არტურს; პორტ-არტურის დასავლეთი ნაწილი თითქმის დაანგრის, რამდენიმე სახედრო გემიც დაზიანესო.

მკოდნე და ნდობის ღირსი ინგლისელები ანგარიშობენ, იაპონიას ომზე დიდი ფული როდი ენარჯებაო. ყოველ დღე იხიბის შენახვა ომის ასპარეზზე 2 მილიონი იენა უჯდება თავში. იაპონია 13 დღეიზიას ვაიყვანს საბრძოლველად, ასე რომ მოელის ჯარის შესახად თავში 25 მილიონი იენი დასჭირდება; ფლოტის შენახვა თავში ბევრი-ბევრი ათი მილიონი იენი უჯდება. ასე რომ იაპონიას 1905 წლის აპრილამდე, ან მაისამდე ახალი სესხის აღება არ დასჭირდებაო. (რ. ს.)

ბევრი ამბობენ, იაპონია მძლავრ რუსეთთან ომს დიდხანს ვერ შესძლებს. ფული მალე შემოაკლდებაო. ინგლისური ეკონომიური ეურნალი «სტატისტიკა»-ი არ ეთანხმება ამ აზრს. ეურნალი სწერს: ინგლისი 1793 წლიდან 1815 წლამდე ეომა ნაპოლეონ I და სანამ თავისი არ გაიტანა, არ მოეშო. იმ დროინდელ ინგლისს სამჯერ ნაკლები ზღობი ჰყავდა, ვიდრე ეხლანდელ იაპონიას; სახელმწიფო ვალი სამჯერ მეტი ჰქონდა და არც ისეთი გაჩაღებული აღებ-მიცემობა ჰქონდა, როგორც ეხლა იაპონიას აქვს. რე თუ მაშინდელი ინგლისის შესძლო იმდენ-ხანს ომი და არ მოეშო, სანამ ნაპოლეონ I ვატერლოოსთან არ დაამარცხა, მაშ იაპონიასაც არ გაუჭირდება, თუ საჭირო იქნება, დიდხანს ეომოს რუსეთს და არ შეურიდეს, სანამ თავისას არ გაიტანს. (პ. ვ.).

ჩინელი ენერალი მა პუნგჩიუსთან ღვას და 40

ათასი ჯარის კაცი ჰყავს. ამბობენ, ჩინელმა სარდალმა ახალი მაველი ჯარი მოითხოვაო. ჩინელები მეტად ორჭოფად იქცევიანო. (რ. ს.)

ერთ იაპონელ გამოჩენილ სახელმწიფო კაცს ტოკიოში უთქვამს „სტანდარტ“-ის თანამშრომლისათვის: „რუსეთში ეგონათ, პირველი—იაპონელებს ეშინათ რუსეთისაო, მეორე—იაპონელი ბრძოლის დროს ვერას გახდება რუსეთის სალდათანაო და მესამე—იაპონია უფულოდით დიდ-ხანს ვერ შესძლებს ომსაო. პირველი ორი ფიქრი ხომ გაუტრუვდათ კიდევ, რუსეთში მალე დაწმუნდებიან, რომ მესამე ფიქრიც შემცდარი ყოფილაო. (ნ. დ.)

ინგლისური გაზეთი „სტანდარტ“-ი სწერს: რუსულ ოფიციალურ ცნობების თანახმად, ომის დაწყების დღიდან 26 მისამდე რუსებს შემდეგი ზარალი მოუვიდათ: მოუკლეს—44 მეზღვაური აფიცერი, 920 მატროსი, 36 ჯარის აფიცერი და 920 სალდათი. დაუჭრეს: 13 მეზღვაური აფიცერი, 1,020 მატროსი, 103 ჯარის აფიცერი და 2,080 სალდათი; ტყვედ წაიყვანეს—20 აფიცერი და 700 სალდათი. (რ. ლ.)

### ახალი ამბები და შენიშვნები.

\* \* \* «ვოლფის სააგენტო» იუწყება ტოკიოდან, ლიპოდუნის ნახევარ კუნძულზე მყოფ იაპონიის არმიის სარდალი ოფიციალურად იუწყება: 1 იენის იაპონიის უმთავრესი ჯარები გაემართნენ ორ წყებად ჩრდილოეთისაკენ, რკინის გზის გაყოფებით და უკუ აქციეს რუსის ჯარი ვაფანდიანის აღმოსავლეთით მდებარე ადგილებიდან. ნაშუადღევის სუთ საათზე მტერი შესდგა, შეჭრა მოსაგერებელი წრე ლუნვანშია—ტაფანჩენთან. დადამებისას იაპონელებმა ზარბაზნების სროლის შემდეგ პონშიტოკიუ-პოტოუს წრე დაიჭირეს. მეორე რაზმი, რომელსაც რუსების მარჯვენა ფრთა უნდა შეეწუებინა და ამასთანავე დაეცვა იაპონელთა ჯარის ზურგი, წინ მილიოდა ფუჯოკის აღმოსავლეთით და გავიდა ტენ-შიაკოკუ—ნაშილინის წრეზე. რუსებს ლიუნვანის მახლობლად მაველი ჯარი შეუერთდა. 2 იენის



რუსებმა 2 $\frac{1}{2}$  დღეშიამდე, რომელიც ტელისუს მახლობლად იდგნენ, დაიჭირეს დაფანგოუსა და ჩენსუ-ჩანის შუა პოზიცია. გათენებისთანავე იაპონელებმა მტერს შეუტყეს. უმთავრესი ჯარი რკინის გზის გაყოლებით მიდიოდა წინ, მეორე რაზმი-კი სუშიატუს მხრით. დღის 9 საათზე მიუახლოვდა რაზმი, რომელიც შეადგენდა მარცხენა ფრთეს. შუადღისას შანშუატუნის მხრით ცხენოსანი ჯარი მტერს ეკვეთა; ამნაირად რუსები ყოველის მხრით ალყა-შემორტყმულნი დარჩნენ ტელისუს მახლობლად ნაშუადღევს 3 საათზე და ცხარე ბრძოლის შემდეგ ძლიერ იქმნენ და სამხრეთისაკენ დაიხიეს. მოსულ ცნობებით იაპონელებმა დაჰკარგეს 1000 კაცზე ნაკლები. რუსებს წაართვეს 14 მსწრაფლ მსროლელი ზარბაზანი და ტყვედ ჩაიგდეს ხელში 300 კაცი, მათ შორის მე-4 მსროლელ პოლკის უფროსიც. ბრძოლის შემდეგ რუსებმა დასტოვეს 500 კაცზე მეტი დაჭრილი და მოკლული.

\* \* \* მამა იოანე კრონშტატელს მიუძმართავს კრონშტადტის სამხედრო გუბერნატორისათვის: „მომეხმარეთ, თავიდან მომაშორეთ ვიღაც მისიუროვის ქალი, რომელსაც ბევრჯერ უსამაოვნება მოუყენებია ჩემთვის, არა მარტო სიტყვით, არამედ მოქმედებითაცაო“. რა წამს გამოჩნდება ხალხში მამა იოანე, ეს ქალი მაშინათვე მივარდება თურმე, ყვირის და ცდილობს რამენაირად უკბინოს, რომ მისი სისხლი მოიცხოს. ამ რამდენიმე წლის წინად მისიუროვის ქალმა თითქმის უკბინა მამა იოანეს და ისე ატკინა თითი, რომ მამა იოანე რამდენსამე დღეს გარედ ვერ გამოდიოდა. მისიუროვის ქალი რამდენჯერმე გაუგზავნიათ თავის სამშობლოში, არხანგელსკში, მაგრამ იგი ისევე დაბრუნებულა მამა იოანეს შესაწუხებლად.

მისიუროვის ქალი მამა იოანეს თხოვნის შემდეგ ისევ დაუჭერიათ და ჩვენება ჩამოურთმევიათ. ქალს უთქვამს, მამა იოანეს იმიტომ გადავემტერე, რომ მონასტერში არ მიმიღო.

ჰეტიკობენ, რომ ეს უცნაური ქალი სულით ავადმყოფი უნდა იყოსო. (.ცნ. ფურ.“).

\* \* \* თბილისის სასულიერო სემინარიაში 31 მაისს მოწაფენი დაითხოვეს საზაფხულოდ. წილს სწავლა დაამთავრა 25 კაცმა. ათმა რუსმა, ოთხმა ბერძენმა და თერთმეტმა შემდეგმა ქართველმა: პირველის ხარისხით: ბიქტორ თევზაიამ, აბრამ გოგენა-

შვილმა და დავით ონიაშვილმა. მეორე ხარისხით: დავით პაპიტაშვილმა, ივანე ყანდიაშვილმა, გიორგი სალარიძემ, ნიკოლოზ ხატისკაცმა, ბაგრატ ბიბილაურმა, ნიკოლოზ პეტრიაშვილმა, სვიმონ ჯაოშვილმა და ხარლამპი ბალუაშვილმა. სემინარიის მთავრობა აკადემიაში სახელმწიფო ხარჯით ჰგზავნის ერთ ქართველს—ბიქტორ თევზაიას.

\* \* \* ენკენისთვიდან გამოვა პეტერბურგში ფინანსთა მინისტრის თანაშემწედ ნამყოფ ვ. კოვალევისკის რედაქტორობით დიდი გაზეთი „მე XX საუკუნე“, რომლის უმთავრესი საგანი ეკონომიური საკითხები იქნება.

\* \* \* რუსული გაზეთები იუწყებიან, რომ ლიაოიანში, სადაც რუსების უმთავრესი ჯარია თავმოყრილი, დიდი სიძვირე ყოფილა სურსათისა. მაგალითად 1 გირვანქა შაქარი—45 კ. ლირს, 1 $\frac{1}{2}$  გირვანქა პური 15 კაპ., 1 ფუთი კარტოფილი—4 მან. 1 გირ. სიმინდის ფქვილი—12 კაპ., 1 გირ. სარცხი საპონი—30 კაპ. და სხვ.

\* \* \* 3 ივნისს საღამოთი გენერალ-ადიუტანტმა კუროპატკინმა ნახა ვაფანგოუსთან 1 და 2 ივნისს დაჭრილნი. დაჭრილნი ორის მატარებლით მოიყვანეს ლიაოიანში. გენერალი კუროპატკინი ესაუბრა დაჭრილებს და ხელმწიფე იმპერატორის სახელით დააჯილდოვა აფიცრები ზღადათები. ავადმყოფნი კარგად მოაწყეს. აფიცრები ერთხმად ამბობენ, რომ სალდათები მამაცად იბრძოდნენო. არტილერია ბოლომდე ასრულებდა თავის მოვალეობას. ბატარეებთან მყოფნი რაზმდევრებე გამოიკვალნენ. პირველ ბრიგადის მეოთხე ბატარეის ბრძოლის დასასრულ უფროსობდა ფეიერვერკერი პოშკინი. პირველ ივნისის ბრძოლაში მოკლულ და დაჭრილ იქმნა 22 აფიცერი და 311 სალდათი. ამ რიცხვიდან პირველ პოლკისა იყო 12 აფიცერი და 200 სალდათი. ყველა სწუხს უფროსის პოლკოვნიკის ხვასტუნოვის დაკარგვის გამო, ხვასტუნოვი წინ მიუძლოდა პოლკს.

\* \* \* უქვეშევრდომილესი დეპუტე ვიცე-ადმირალის სკრიდლოვისა, 6 ივნისს, 1904 წ.: «უქვეშევრდომილესად ვაუწყებ თქვენს უდიდებულესობას, რომ 2 ივნისს, დღით, კორეის სრუტეში ჩვენ კრეისერთა რაზმმა აღმოაჩინა სამხრეთიდან იაპონიის ნაპირებისაკენ მიმავალი იაპონელთა ტრანსპორტი. დაინახა შორიდან, დაწვია და როცა გასინჯა, აღმოჩნდა, რომ ტრანსპორტი «იცუმიმარუ» იყო.



ტრანსპორტზე ჯარის კაცები იყვნენ. ნავების ჩამოსაშვებად და ტრანსპორტის დასატოვებლად დანიშნული დრო რომ გავიდა, რომლითაც მებრძოლთა ერთმა ნაწილმა ისარგებლა, ტრანსპორტი დავლუპეთ ზარბაზნების სროლით. მალე სამხრეთ-აღმოსავლეთიდან გამოჩნდა ორი ტრანსპორტი, როგორც შემდეგ შევიტყვეთ «ხიბაშიმარუ» და „სოდომარუ“. პირველზე ჯარი იყო, მეორეზე კი—მუშები, ცხენები და რკინის გზის მასალა. იაპონელები არ დაგვენდნენ და როცა ნავებზე ზაღის გადმოსხმისათვის დანიშნული დრო გავიდა, ორივე ტრანსპორტი დავლუპეთ ნაღმებითა და ზარბაზნების სროლით. იაპონელთა ზარალი: სამი ტრანსპორტი, 15,000 ტონისა, ერთი ნაწილი ჯარისა და კამანდისა, რომელნიც გემებზე იყვნენ და დიდ-ძალი სამხედრო სურსათი და რკინის გზის მასალა. შიენის იაპონიის ნაპირებთან შეეხვდით ინგლისის გემს «ელლანტანს», რომელსაც 6,000 ტონაზე მეტი ქვა-ნახშირი მოჰქონდა მორორანის ნავთსადგურიდან (კუნძულ ხოკაიდოზე) და სამხრეთისკენ მიდიოდა. ქაღალდები და სავაზო ყურნალი წესიერად არა ჰქონდა შედგენილი. რადგან საექვოდ მივიჩნიეთ, რომ გემს სანეიტრალო საქონელი მიჰქონდა, ლეიტენანტ პეტროვის უფროსობით და 10 ჯარის კაცით ვავგზავნეთ გემი ვლადივოსტოკში, გემი უკვე მივიდა იქა და ადგილობრივი საზღვაო სასამართლო განიხილავს ამ საქმის გარემოებას.

\* \* \* უმაღლესის ნებართვით გენერალ-ადიუტანტმა კუროპატკინმა დაარსა ლიაოიანში გაზეთი „ვესტნიკ მანჯურსკოი არმიი“, იმ განზრახვით, რომ მიაწოდოს ჯარს ბეჯითი და ჩქარი ცნობები და დაბრკოლოს ომის შესახებ ყალბ ცნობების გავრცელება; გაზეთს ჰგზავნიან ყველა რაზმებში საშხედრო ან სწრაფის ფოსტით; სტამბა, კანტორა და რედაქცია ვაგონშია მოთავსებული, მუშაობაც იქვე სწარმოებს; ეს ვაგონები არმიას გაჰყვება. „ვესტნიკი“ კვირაში სამჯერ გამოდის. უკვე ხუთი ნომერი გამოვიდა. დღეს გამოცხადებულია ხელის მოწერა ამ გაზეთზე. იმპერიის ყველა ადგილებში, მანჯურიაში და საზღვარ გარედ ნახევარი წლით გაზეთი 6 მან. ღირს. „ვესტნიკს“ ლიაოიანში დიდი გასავალი აქვს. თანამშრომლობენ არმიის აფიცრები და სამხედრო კორესპონდენტები; რედაქტორად დანიშნულია ჩინეთთან ომის დროს სამხედრო კორესპონ-

დენტად ნამყოფი იანჩენგუკი.—დარი წახდა. განუწყვეტილად წვიმს; გზებზე გაუვალი ტალახია, რაცა დიდის ხნით დაბრკოლებს იაპონელთა მოძრაობას.

\* \* \* სიუიანიდან გამოსულ იაპონელებმა 3 ივნისს სინკალინი დაიჭირეს. ეს სოფელი მდებარეობს სიუიანიდან დასავლეთით, 23 მილის სიშორეზე.

\* \* \* ვაფანგოუსთან მომხდარ ბრძოლის დროს იაპონელთ 50 ზარბაზნიდან დაუშინეს ყუმბარები რუსების პოზიციას. ბრძოლის ბედი არტილერიამ გადასწყვიტა. რუსებმა მარცხენა მხარედან მოუარეს იაპონელთ, მაგრამ იაპონელებმა პირი იპრუნეს და წინ გაემართნენ შესანიშნავად გააგვრებულ პოზიციასზე იერიშის მისატანად. რუსის ჯარის სულიერი მდგომარეობა მშვენიერია. გენერალმა კუროპატკინმა ბრძანება გამოსცა, რომლითაც ჯარებს სთხოვს, ჩემდამი გრძობას ნუ დაჰკარგავთო.—პორტ-არტურის წინ იაპონელები დიდ სააღყო ზარბაზნებსა სდგამენ.—ვაფანგოუდან რუსების უკან დაწევა და იაპონელების წინ წასვლა აღმოსავლეთისა და ჩრდილოეთ-აღმოსავლეთისაკენ საფუძველს გვაძლევს ვიფიქროთ, რომ სამხრეთ-აღმოსავლეთით კიდევ მოხდება დიდი ბრძოლა.—მუკდენში დიდი სამხედრო მზადებაა.

\* \* \* გენერალ-ადიუტანტის კუროპატკინის დეპეშა, 5 ივნისს 1904 წელს: „გენერალი შტაკელბერგი იუწყება, რომ იაპონელები ვაფანგოუდან წინ არ წაწეულანო. ცნობებია, რომ იმათი ჯარი ვაფანგოუ-ფუჯოუს გაყოლებასე იწყობა საომრად. რუსის ჯარი ორი დღე იბრძოდა და ორი ღამე გადადიოდა ძნელად საფლელ მთის გზებით. ამ ბრძოლისა და სიარულის შემდეგ ჯარმა შესვენება მოასწრო. მებრძოლნი მხედ არიან. ჯერ ვერ მოვასწარით ნამდვილ ცნობების შეკრება მოკლულთა და დაჭრილთა შესახებ, ვიცით მხოლოდ შემდეგი: აღმოსავლეთ-ციმბირის მსროლელთა დივიზიის პოლკებში რუსის აფიცერი მოჰკლეს 15, დასტრეს 49, ბრძოლის ველზე დარჩა (არ არის ცნობები—მოკლულია თუ დაჭრილი)—12; სალდათი მოჰკლეს 386, დასტრეს—992, ბრძოლის ველზე დარჩა 568; მე-33, 35 36 პოლკებში მოჰკლეს ერთი აფიცერი და 120 სალდათი; დასტრეს 19 აფიცერი და 604 სალდათი, ბრძოლის ველზე დარჩა (არ არის ცნობილი—მოკლული თუ დაჭრილი) 96 სალდათი; პირველ სარტილერიო ბრივადამ დაჰკარგა 10 აფიცერი და 103 სალდათი;



მე-9 საარტილერიო ბრიგადამ—ერთი აფიცერი და 25 სალდათი; ტობოლსკის პოლკში მოჰკლეს ერთი აფიცერი და 3 სალდათი, დასჭრეს ერთი აფიცერი და 40 სალდათი; უკვალოდ დაიკარგა სამი კაცი; მორშანსკის პოლკში მოჰკლეს (?) 6 აფიცერი და 11 სალდათი, დასჭრეს—131, უკვალოდ დაიკარგა—რვა“.

\* \* დაგუშანში მყოფ იაზონის უმათავრეს ჯარიდან 5 იენისს გაგზავნილი ქვეითა ჯარისა და კავალერიის მოწინავე რაზმი იუწყება, რომ მიუახლოვდა რუსების ჯარს ჩაპაილინთან, სიუიანიდან დასავლეთით 36 მილის მანძილზე. 7 იენისს რუსების გემები არ გამოჩენილან კორეის სრუტეში; ფიქრობენ, რომ ისინი ჩრდილოეთისაკენ წავიდნენ. ვფანგოუსთან მომხდარ ბრძოლაში რუსებს მოუკლეს 2 ათასზე მეტი კაცი. მარშალი ოიამა დაინიშნა მანჯურიაში მეფის მოადგილედ და მანჯურიაში მომქმედ ყველა ჯარების გენერალისიშუსად. გენ. კოდამა შტაბის უფროსად დაინიშნა. ამ მოკლუე ხანში ისინი ომის ასპარეზზე წავლენ. მარშალი იამაგატა დარჩება ტოკიოში, როგორც უმათავრეს შტაბის უფროსი.

\* \* როგორც «რუსკი ინვალიდ»-შია გამოცხადებული, 21 მაისს, მანჯურიაში, სოფელ იუძიატუნთან მომხდარ ბრძოლაში მსუბუქედ დაჭრილა აღმოსავლეთ ციმბირის მსროლელთა მე-35 პოლკის კაპიტანი ილია ჩხიკვიშვილი.

\* \* ამიერ-კავკასიის რკინის გზიდან ციმბირის გზაზე ძლიერ ბევრ მოსამსახურეს ჰგზავნიან: მემანქანეებს, კონდუქტორებს, მვისრეებს, სადგურის უფროსებს და იმათ თანაშემწეებს.

\* \* კავკაიდან ატყობინებენ „ცნ. ფურცელს“ 4 იენისს, ღამე, კავკაიდან ათ-თორმეტ ვერსის მოშორებით ბოროტ-მომქმედთ აყვარათ რკინის გზის რელსები. ღამის 3 საათზე როსტოვიდან მომავალმა მატარებელმა ეს ვერ შეამჩნია ღლიანდაგს გადასცდა. ვაგონები და ორთქლ-მავალი დაიმსხვრა. საბედნიეროდ, არავინ დაშავებულა; ავაზაკებმა, 40 კაცამდე, სეტყვასავით დაახალეს თოფები ფოსტის ვაგონს. დარაჯმა, რომელიც ფოშტის ვაგონში იყო, რამდენჯერმე ესროლა ავაზაკებს. ჩქარა გზის ყარაულებიც მოეშველნენ და ავაზაკები გაიქცნენ ისე, რომ ვერა წაიღეს რა.

\* \* 15 იენისს, სალამოს, ბაქოს მატარებლით

მანჯურიაში წავიდა ამიერ-კავკასიის რკინის გზიდან გაგზავნილი ორმოცდა ხუთი მეთორცე.

\* \* როგორც „პრავე ეესტ.“-შია გამოცხადებული, იმ სახელმწიფო სტიპენდიატებს, რომელნიც სამასწავლებლო სემინარიის გათავების შემდეგ პირველ დაწყებით სკოლებში ორ წელიწადს იმსახურებენ, უფლება აქვთ სწავლის განსაგრძობად სამასწავლებლო ინსტიტუტში შევიდნენ.

\* \* გენერალ-ადიუტანტის კუროპატკინის დეპეშა, მისს უდიდებულესობას 14 იენისს: „13 იენისს იაზონელებმა იერიში მიიტანეს ჩვენი არმიის იმ ჯარზე, რომელიც აღმოსავლეთით იდგა და რომელსაც პოზიციები ეჭირა ფინშულისისა, მოდულისისა და დალნის უღელტეხილების წინ. ჩვენმა ცხენოსნებმა და ქვეითა რაზმებმა, რომელთაც უკან დაიხიეს, გამოარკვიეს, რომ სამსავე უღელტეხილისკენ მოდიოდა იაზონისს ძლიერი რაზმი. დალნის უღელტეხილისაკენ სხვა ჯარს გარდა მოდიოდა აგრეთვე გვარდიის დივიზიაც. იაზონელებმა პირდაპირ მოქმედების გარდა დიდძალი ჯარი გაგზავნეს ღ მოუარეს იმ ჩვენ რაზმებს, რომელთაც ფენშულისისს და მოდულისისს უღელტეხილები ეჭირათ. ფენშულიიდან ჩვენმა ჯარმა ტიტებში დაიხია. 14 იენისს აქ იმათ თავს დაეცა იაზონელთა პატარა რაზმი, რომელიც უკუგდებულ იქმნა. 13 იენისს, სალამოთი, იაზონელებმა ჩვენი მოწინავე ჯარი ვანდაპუმიდან დალნის უღელტეხილისაკენ დასწიეს. 14 იენისს, დილით, იაზონელებმა განაგრძეს იერიში ჩვენის პოზიციის წინააღმდეგ დალნის უღელტეხილზე. ჩვენი მოწინავე ჯარი რამდენსამე ხანს იგერიებდა იაზონელთა ბრიგადას და სამ ბატარეას, რომელნიც პირდაპირ მოდიოდნენ, მაგრამ შემდეგ ჩვენმა ჯარმა უკან დაიწია, რადგან იაზონელებს სხვა რაზმები გაეგზავნათ ჩვენის ჯარის მოსავლელად. დახვერით ირკვევა, რომ იაზონისს სამხრეთ არმიის ჯარის ნაწილი ჩრდილოეთ-აღმოსავლეთისაკენ მიდის კუროკის ჯართან შესაერთებლად. შუადღისას ამბავი მოვიდა, რომ სენიუჩენთან ჩვენ ცხენოსნებს ცხარე ბრძოლა ჰქონდათო. როგორც ამ უკანასკნელ დღეებში მიღებულ ცნობებიდანა სჩანს, იაზონისს ის ლაშქარი, რომელიც ჩვენის მანჯურის ჯარის წინააღმდეგ მოდის, შესდგება ქვეითა ჯარის 8—9 დივიზიისა და სარეზერვო ჯარის რამდენიმე ბრიგადისაგან, იაზონელებმა რეზერვებიც წინ წასწიეს“.



\* \* გენერალ-ადიუტანტმა კუროპატკინმა შემდეგის ბრძანებით მიმართა ჯარებს: „იპონელებთან ბრძოლის დროს თუ ხელში ჩაგვივარდებიან მოკლული, დაჭრილი ან დატყვევებული იპონელები, გთხოვთ პატივისცემით მოეკიდოთ მამაც მტერს: მკვდრები სამხედრო პატივით დაასაფლავეთ, დაჭრილებს კი ისე მოუპარეთ, როგორც ჩვენ საკუთარ დაჭრილებს.“ ეს განკარგულება იმიტომ გამოსცა მთავარ-სარდალმა, რომ ხმები მოდიოდა, იპონელები რუსის დაჭრილებს ჩინებულად უვლიან თავის საავადმყოფოში. სამწუხაროდ, ამ ბოლო დროს მოხსენება მოვიდა იმის შესახებ, რომ იპონელებმა ზოგიერთ რაზმებში მხეცურად დატანჯეს დაჭრილი რუსები. „ვესტნიკ არმიი“ იუწყება, რომ 27 მაისს საიმამში იპონელებმა დაკლეს რუსის ორი მსროლელი, რომელთა გვამები დამახინჯებული ნახეს. გადარჩენილი მსროლელები ამბობენ, რომ იპონელებს შორის შეიარაღებული ჩინელები იყვნენ და შესაძლებელია იმათ დატანჯეს ორი მსროლელი. «ვესტნიკ არმიი» სწერს, რომ აქამდის იპონელები ისე იტყუოდნენ, როგორც შეჰფეროდა სამხედრო პატიოსნების კანონთა მკოდნე და ლომობიერ მტერს, მაგრამ ამ ბოლო დროს ამბები მოდის იპონელთა მხეცურ საქციელის შესახებ. ამიტომ ექვის თვლით უნდა უტკიროთ იპონელთა ნაქებ მიდრეკილებას განათლებისა და ადამიანობისადმი. იპონელი სალდათები, რომელნიც აფიცრებს არ უტირავეთ ხელში, შეუპოვრობით ძველ ბარბაროსებს არ ჩამოუვარდებიან. იპონიის ხალხი საკმაოდ განათლებული არაა, რომ ევროპის განათლებულ ხალხთა შორის ადგილი დაიჭიროს.

\* \* ჩვენ მივიღეთ ფრიად სამწუხარო ამბავი აბასთუმნიდან, რომ ბ-ნი ექიმი, სამსონ თოფურია მეტად ავად ყოფილა. არ არის დიდი ხანი, რომ ექიმი ს. თოფურია ავადმყოფი წაიყვანეს ქუთაისიდან ბორჯომს და იქიდან-კი აბასთუმანს. თან-და თან ავადმყოფობა ერეოდა და ეხლა მეტად მძიმე მდგომარეობაში იმყოფება, როგორც იუწყება ბ-ნი ექიმი გოპაძე. მეტად და მეტად სამწუხარო არის ასეთი სასარგებლო ადამიანის ამგვარი მძიმე მდგომარეობა და ისიც მაშინ როდესაც ჯერ კიდევ ჯანღონით აღსავსე იყო ეს დაუღალავი ექიმი და საზოგადოებისათვის თავდადებული მოღვაწე.

\* \* გენერალ-ადიუტანტი კუროპატკინი ხაიჩე-

ნიდან დაბრუნდა, რადგან წვიმები ხელს უშლის სამხედრო მოქმედებას. ნაადრევია ის ცნობა ვითომ რუსებს ხელ-ახლა აეღოთ დაღნის უღელტეხილი. არც რუსთა და არც იპონელთა საკმაო ჯარს არ შეუძლიან უღელტეხილამდე მისვლა, რომ დაიჭიროს იგი. გაუვალი ტალახი შეუძლებელსა ჰყოფს ზარბაზნებისა და ურმების ზიდვას. მოწინააღმდეგეთა ჯარები უღელტეხილის იქით-აქედანა სდვანან.

\* \* იპონურ გაზეთებში ყველა ბრძოლის დროს მოკლულ და დაჭრილ აფიცრებისა და ჯარის კაცების სახელი და გვარი იბეჭდება. ყოველ დაჭრილ ჯარის კაცზე-კი დაწვრილებით სწერია, რა ადგილასა დაჭრილი და იმის მორჩენის იმედი არის თუ არა. (რ.).

\* \* მე-12 პოლკის პოდპოლკოვნიკი უ. 18 აპრილს ტიურენჩენთან ბრძოლის დროს იპონელებმა დასტრეს და დაატყვევეს. 20 აპრილს, ესე იგი ბრძოლის შემდეგ მეორე დღეს პოდპოლკოვნიკს უ—ს შახეზიდან (ანდუნიდან) წერილი გამოუგზავნია თავის მეუღლისათვის პეტერბურგში. პოდპოლკოვნიკი უ. სწერს: „ტიურენჩენთან საზარელი ბრძოლა მოხდა. მარჯვენა ფეხში დამჭრეს, ჩვენ ჯარს ვეღარ გავყვე და იპონელებს ტყვედ ჩაუვარდი ხელში. ბრძოლას დაწვრილებით ვერ ავიწერ, ადვილად მიჰხედები რა მიზეზითაც. ჩვენ მე-12 პოლკის აფიცრებში მხოლოდ ნახევარი ძლივს გადარჩა ცოცხალი. 6 აფიცერი ჩემსავით ტყვედ არიან. ამათგან 5 დაჭრილია. რა მოუვიდათ სხვებს, დღემდე ვერ გავიგე. ეხლა ველი, რომ გემი მოვიდეს და იპონიაში წაგიყვანოს. მე ტანისამოსს გარდა თან არა მაქვს-რა. ჯანითაც და ზნეობრივადაც ისე დავიღალე, რომ სულ ლოგინში ვწევარ. იპონელები მშვენივრად გვექცევიან. რამდენადაც-კი შეიძლება მაძღრები ვართ და კარგ ოთახებში ვღვევართ. რასაკვირველია, კომფორტი გვაკლია, მაგრამ ბიუვაკებზე და პოზიციებზე უკეთეს ყოფაში როდღი ვიყავით“. (რ. ს.)

26 ივნისს საქართველოს ექსარხოსი გაემგზავრა ხაშურს, სადაც 27 ივნისს აკურთხა ახლად ასაშენებელი ეკლესიის საძირკველი, ხოლო 28 ივნისს სუმბათოვის სადგურის მახლობლად, ექსარხოსმა აკურთხა სოფ. ახალდაბის ეკლესია. აქედან ექსარხოსი წავა ბორჯომ-ზაკურიანსა და ახალქალაქ—ახალციხის მაზრებში სარევიზიოდ.



\* \* \* ექიმი ვახტანგ ღამბაშიძის სანატორიის შენობა „პატარა-ცემში“, ბაკურიანის მახლობლად, უკვე დასრულდა. შენობა ძლიერ შნოინია. ამ წელში მიღება შეიძლება მხოლოდ ორმოც-და-ათი პირისა. თვითონ ექიმიც დღეს ამ სანატორიაში დაბინავდა და მსურველებს იღებს. სანატორია მოწყობილია ყოველისთვის. ერთი კვირა არის რაც ექიმი ღამბაშიძე მოვიდა საფრანგეთიდან და თან მოიტანა ყველა იარაღები კაცის სხეულის შესამოწმებლად და ჰაერის გამოსაკვლევად. სანატორიაში მიღებული პირები შემოწმებული უნდა იქნენ თავდაპირველად და ბოლოს ყოველ კვირაობით.

ეს სანატორია, როგორც ვუქრობთ, პირველი უნდა იყოს ჩვენს სახელმწიფოში, რე სრული დარწმუნებული ვართ, მნახველი ამ სანატორიისა დიდთ ისიამოვნებს. სანატორიის ნახვაც ძლიერ საადვილოა როგორც განცხადებიდანაც შეიტყობს მკითხველი.

\* \* \* პატარა ცემში ნიკოლაევის და საკოჭავს შუა 22 ივნისს საღამოს ექვს საათზე მიწა იძრა. მეორე დღეს შუადღისას კიდევ განმეორდა მიწის ძვრა, მაგრამ არა ისე ძლიერი როგორც წინა დღით.

\* \* \* არავის არ ახსოვს თითქმის ასეთი ცივი და წვიმიანი მანისი და მოქუშული თიბათვე. ძლივს მორწყეს ვენახები შაბიანის წყლით. მდებარე ადგილებში ვენახი კარგია, მაგრამ მალეობ ადგილებზე გაფუჭდა. სიმოდები კარგია.

\* \* \* დ. ყვირილაში ორი ხის ხილია და არც ერთი არ ვარკა. ეხლა ამბობენ ზედა ხილი უნდა დაიხუროსო—თუ ყვირილის მცხოვრებლებმა არ შეაკეთესო. სწორეთ დაუგერებელი მოთხოვნაა. დ. ყვირილა არცდაბის და არც ჰოსადის ღირსი არ გაზადეს და ეხლა ეუბნებიან ხილი გააკეთე ხალხის საჭიროვო!..

\* \* \* „პრავ. ვესტ.“-ში დაბეჭდილია უმაღლესი ბრძანება საფოსტო-სატელეგრაფო უწყების სამსახურში ქალების მიღების შესახებ. ამ ბრძანების ძალით, საფოსტო, სატელეგრაფო და სატელეფონო დაწესებულებაში შეიძლება მიღებულ იქნან ქალები, 19 წლისაზე არა უნაკროსნი რომელთაც მოწმობა აქვთ ქალთა გინანზისს, საეპარქიო და სხვა საშუალო მეოთხე კლასში სწავლის დამთავრების შესახებ ან რომელნიც შესაფერ ეგზამენს დაიკერენ და მოწმობას მიიღებენ. კანდიდატებს გამოსცდიან საფოსტო, სატელეგრაფო და სატელეფონო საქმეში და შემდეგ ჩარიცხავენ სამსახურში.

### რადიკალური პასუხი.

ზოგიერთ ჩვენს ჟურნალზე ხელის მომწერლების საყურადღებოდ.

ჩვენ ხშირად მოგვდის წერილები ზოგიერთ ხელის მომწერთაგან, რომ მათ მხ-ი ჟურნალისა არ მისდის თავ-თავის დროზე და ან რამდენიმე მიდის რე უმეტესი ნომრები სრულებით არ მისდისთ, ეკარგებათ. ვაცხადებთ საყოველთაოდ, რომ რედაქცია ყველას უგზავნის თავ-თავის დროზე ჟურნალს. სხვა საშუალება რედაქციას არა აქვს, თუ ფოსტა ან სხვა დაწესებულება თავ-თავის დროზე მათ გაზენებს არ უგზავნის. არ შეიძლება, რომ თვით ხელის მომწერლებსაც ბრალი არ ედებოდეს ჟურნალების თავ თავის დროზე მიუღებლობაში. ზოგმა გაზეთი თუ გამოიწერა, მეტი საჭიროდ აღარა მიაჩნია რა. საჭიროა ხელის მომწერლებმა აიჩინონ ერთი ვინმე ფოსტის ახლო ნაცნობი პირი და მას დაავალონ მიღება და გაგზავნა ჟურნალ-გაზეთისა. წინააღმდეგ შემთხვევაში ფოსტა გადასცემს ხოლმე მაზრის ანუ ბოქაულის სამმართველოს და ამ სამმართველოდან წაიღებენ სოფლის იასოულები და ისინი გადასცემენ თუ არა ღმერთთან იცის. ბლადოჩინი თუ იღებს ჟურნალ-გაზეთებს, იქიდან ხომ ადვილად შეუძლია მიიღოს ყველამ. ერთ თვეში ყ-დ შეუძლებელია ან მღვდელს და ან მედავითნეს არ შეხვდეს ბლადოჩინთან მისვლა. აი ყველამ ამდროით უნდა იარაგებლონ და წამოიღონ. მაგრამ, სამწუხაროდ, ხშირად ავიწყდებათ ჟურნალ-გაზეთის წაღება და ბოლოს მაინც იმდურებიან: ჟურნალ-გაზეთებს არ გვიგზავნიან თავის დროზეო!

ამასთან რედაქცია საყოველთაოდ აცხადებს, რომ სასწავლო ეამნები მხათ არის დიდი ხანია და მსურველთ შეუძლია მათი მოპოება უყდოთ 30 კ. და ყლით ორ აბაზად. წიგნის გამყიდველებს მანეთზე დაეთმობა 20<sup>0</sup>/<sub>100</sub>. ამდენივე დაეთმობათ მყიდველებს როცა მიაქვთ ათ ცალზე მეტი.

რედ. დეტ. დ. ღამბაშიძე.



„**პატარა-ცეფი**“-ს  
**საზაფხულო სამყოფი**

(Colonie des vacances. Feriencolonié.)

ექიმის ვახტანგ ღ. ლამბაშიძისა

**მრზარდ ქალ-კაშთათბის**  
**სასკიმ 8—16 წლამდე.**

**პატარა-ცეფი** მდებარეობს ბორჯომის ახლო, ბაკურიანის რკინის გზაზედ, სადგურ ნიკოლაევოსა და საკოქავს შუა, მაღლობ-ვაკეზე, ფიჭვნარში, 4400 ფუტის, ანუ 1300 მეტრის სიმაღლეზე, 230 ფუტით მაღალი აბასთუმანზე.

ამ ზაფხულისათვის იმართება ხსენებულ ადგილს მოზარდ ქალ-ვაჟთათვის **საზაფხულო სამყოფი**, იმის მიზაძეთ, როგორც ეს დიდის ხნიდან შემოღებულთა ევროპაში.

ამგვარ დაწესებულებას **მიზანდ აქვს**: ბავშვების დასვენება, ჯანმრთელობის მოლონიერება, სხეულის გამაგრება და ფიზიკური კეთილ-დღეობის მოხვეჭა მომავლისათვის, რომ მოზარდის სხეული ასცდეს მრავალ მავნებელ ვითარებას და შედგრად დაუხვდეს მოსალოდნელ ავად-მყოფობას.

**მთა-აღმოსავლეთის ჰაერის** სიმჩატე, სისუფთავე და სხვა ბუნებრივი თვისება კარგად მოქმედებს ყოველ ავებულებასზედ, და განსაკუთრებით მარგებელია მათთვის, **ვინც არის**:

სისხლ-ნაკლები, დასუსტებული, მოქანცული ან ცხოვრების შეუფერებელ პირობებით, ან ხშირის ავად-მყოფობით, ვინც ნაავად-მყოფარია, და საკმაოდ მოლონიერებული არ არის, მეტადრე ვისაც გამოვლილი აქვს ფილტვის რომელიმე ავადმყოფობა; აგრეთვე ვინც მაღა-დაკარგულია, ნერვებ-აშლილი, ქაობის ცივებით (მალარიით) შეპყრობილი, ვისიც ზრდა რაიმე მიზეზით დაჩაგრულია, ვისაც საკმარისი საზრდობა არა აქვს და ვისი სხეულიც დაძაბუნებულია.

ხანგრძლივის გამოცდილებით გამოირკვა და დამტკიცდა, რომ ყოველ შემოსენებულ ნაკლს, რასაკვირველია რამდენადაც ეს შესაძლოა ბუნებისათვის, სხვაგვარ წამლობასზედ უფრო **რიზიანად ჰქურნავს მთის ჰაერი, დასვენება, უხვი საზრდო და მარჯირობა.**

გარდა ამისა, ვინც ქალაქის უსუფთაო და შეხუთულ ჰაერში სცხოვრებს, მათთვისაც **უსაზირომისა** წმინდა ჰაერზე დასვენება, ღონის მოხვეჭა და სხეულის გამაგრება, რომ ავადმყოფობამ მერმისში ადვილად არ იგდოს ხელთ და არ დასჩავროს.

საზაფხულო სამყოფში **მიიღებინან** ორივე სქესის მოზარდნი 8—16 წლამდე, ვის ჯანმრთელობასაც რომელიმე შემოსენებული ნაკლი აქვს, აგრეთვე ისინი, ვისაც დასვენება ჰსურს.

**არ მიიღებინან**: მწოლიარე ავად-მყოფნი, რომელიმე გადამდებ სენით შეპყრობილნი, არც ფილტვების სიქლექით დაავადმყოფებულნი; არც ისინი, ვისაც რომელიმე მიზეზისა გამო მაღალ მთა-ადგილს ყოფნა სარგებლობას ვერ მოუტანს, მაგალ. გულით ავადმყოფნი, ქარებით (რევმატიზმით) დაავადმყოფებულნი.

**მიიმოღა და წამლობა** იქნება უმთავრესად ბუნებრივი და ჰიგიენური: წმინდა მთის ჰაერი, დასვენება, უხვი და ნოყიერი საზრდო, სხეულის ყოველგვარი ვარჯიშობა: სხვა-და-სხვა გვარი შექცევათამაშობა, სვირნობა, მოგზაურობა, გასართობი მუშაობა, წყლით ექიმობა და ბანაობა, საერთოდ საუკეთესო ჰიგიენურ პირობებში ცხოვრება, ყოველივე შეფარდებული კერძოდ თვითვეულ ბავშვის ავებულებასთან, ექიმის ხელმძღვანელობით.

7137



**გადაჭარბებული საზრდოობა**, თვითულის აგებულებასთან შერჩეული, ღღეში ექვსჯელ.

საზაფხულო სამყოფის ერთხელვე დადგენილი წეს-რიგი, რომელსაც მოზარდნი ადვილად ეწვევიან და საშემდეგოდაც ითვისებენ, ყველასათვის სავალდებულოა. ვინც არ დაეთანხმება ამ წესებს, მან უნდა მიატოვოს ეს სამყოფი არა უგვიანეს ერთის კვირისა.

მოზარდნი არიან **დაქოფილი ჯგუფებად**, სქესისა, ასაკისა და წლოვანების მიხედვით. თვითუფლუ ჯგუფს ჰყავს საკუთარი თვალ-ყურის-მგდებელი და ყველანი საერთოდ იმყოფებიან ექიმის მუღმივ ხელმძღვანელობაში.

საზაფხულო სამყოფის ხანად განსაზღვრულია **ორი თვე**: 15 ივნისიდან 15 მარტიამდის თვემდე. მსურველთათვის ეს ხანა შეიძლება უფრო გაგრძელებულიც იქნეს.

**საზაფხულო სამყოფში მისაღებ პირთა რიცხვი განსაზღვრულია.**

პირადად ანუ წერილით ამ საქმის შესახებ ყოველგვარ ცნობების შესატყობად **მსურველით** შეიძლება **მინიმუმ** ექიმს ვახტანგ დავითის ძეს ლამბაშიძეს 1 ივნისამდე ქ. თბილისში, ნიკოლოზის ქუჩა № 46., ხოლო შემდეგ-კი: ბორჯომით, პატარა-ცემს.

მოთხოვნილებისათნავე ყველას **უზასოდ ეზავნება წინაპი** საზაფხულო სამყოფის შესახებ, რომელშიდაც მოთავსებულია დაწვრილებით განმარტება და პირობები.

თუ პირადად ჩვენება მოუხერხებელია, უნდა გვაცნობონ, ადგილობრივის ექიმის გასინჯვით, რა სნეულება აქვს იმ მოზარდს, რომლის დაბინავებაც მსურსთ საზაფხულო სამყოფში.

**მისსწვლელი ზზა** საზაფხულო სამყოფში: ბორჯომიდან მე-25 ვერსზე, ბაკურიანის რკინის გზით სადგურ ნიკოლაევოსთან. განზრახულია საკუთარ ბაქანის გამართვა, რომელიც უნდა იქნეს თვით საზაფხულო სამყოფის წინ.

**მატარებლის მიმოსვლა**: ბორჯომიდან გადის დილის 8 ს. 58 წ. და ნაშუადღევს 5 ს. 28 წ. „პატარა-ცემს“ მიღის: 1) დილის 11 ს. 13 წ. და 2) საღამოს 7 ს. 32 წ.

პატარა-ცემიდან: ნაშუადღ. 1 ს. 19 წ. და საღამოს 9 ს. 43 წ. გადის.

ბორჯომში მოდის: 1) ნაშუადღ. 3 ს. 29 წ. და 2) 11 ს. და 33 წ.

ვისაც სურს, შეუძლია მოვიდეს პატარა-ცემს, ბორჯომში ლამის-გაუთველად, დარჩეს იქ 2 საათსა და 10 წამს და იმავე დღეს დაბრუნდეს; ხოლო ვისაც მეტის ხნით მოესურვება პატარა-ცემს დარჩენა, შესაძლოა დილის მატერებელით ასვლა ბორჯომიდან და საღამოს დაბრუნება. მაშინ პატარა-ცემს ე საათითა და ნახევრით შეიძლება დარჩენა:

**მიმოსვლა ღამის გაუთველად:**

თბილისიდან დილის 8 ს. 58 წ., ხაშურიდან 1 ს. 28 წ., ბორჯომს 2 ს. 20 წ. ბორჯომიდან 5 ს. 28 წ. ზათუმიდან დილის 6 ს. 4 წ., ფოთიდან 6 ს. 48 წ., ქუთაისიდან 9 ს. 43 წ. ყვირილიდან 11 ს. 31 წ. ხაშურიდან 3 ს. 3 წ. ბორჯომს 3 ს. 55 წ. ბორჯომიდან 5 ს. 28 წ.

ბორჯომიდან შესაძლოა პირდაპირი მოლაპარაკებაც «პატარა-ცემის» საზაფხულო სამყოფთან **ტელეფონით**.

**მ ი ნ ა რ ს ი**:—**საღმთმარტორო განყოფილება**: ორიოდე სიტყვა იმერეთის საქალბო ეპარქიალურ სასწავლებელთან ჰანსიონის დარსების შესახებ, გერ. ხაქ.-ს.—ეკკლესია, თარგმანი ს. გორგაძისა.—**გზა** ბენდიერებისაგან\*, 5. ს-კ.—**ესტატე** ბესარიონის ძე ლამბაშიძე (ნეკროლოგი).—იმერეთის ეპარქიის სამღვდლოების ღმრთაობა ქრება ქ. ქუთაისში 15—22 დეკემბერს 1904 წ. დამსწრესი.—**გაგვირღიო** და შაბიანით წამლობა ვახისა. **ქურნალ-ვახე**-თაგან.—**ხალა** ამბები და შენიშვნები.—**რედაქციის** პასუხი.—**განცხადება** პატარა ცემის საზაფხულო სამყოფის.

რედაქტორ-გინომცემელი დეტ. **დ. ღამბაშიძე** Редакторъ-Издатель **П. Д. Гамбашидзе.**  
*Дозволено цензурою* Архимандритъ Георгій Мая 25 1904 г.